

皇
明
制
書

皇明制書

諸司職掌

禮部卷之四

尚書侍郎之職掌天下禮儀祭祀宴享貢
舉之政令其屬有四曰儀部曰祠部曰
膳部曰主客部

儀部

郎中員外郎主事掌貳尚書侍郎舉其
儀制而辨其名數

朝賀

正旦冬至朝賀儀

一凡正旦冬至前一日尚寶司陳設

御座于奉

天殿及寶案于御座之東設香案于

丹陛之南教坊司設中和韶樂于

殿內之東西北向其日清晨錦衣衛陳鹵

簿儀仗于

丹陛及丹墀之東西設羽扇于殿內東西

列車輅步輦于丹墀東西相向鳴鞭四

人左右北向教坊司陳大樂于

丹陛之東西北向儀禮司設同文玉帛

于案

丹陛之東金吾衛設護衛官于殿內及

丹陛之東西陳甲士于午門外奉

天門外及丹陛東西錦衣衛設將軍于奉

天門外丹陛丹墀及奉天門列旗幟于奉

天門外東西典牧官陳伏馬犀象于文武樓

南東西相向欽天監設司晨郎報時位

于內道東近北立。糾儀御史二人于丹墀北東西相向。內贊二人于殿內外贊。二人于丹墀北東西相向設傳。

制宣表等官位于殿內東西相向。鼓初嚴。文武官具朝服。齊班于午門外。鼓次嚴。引禮引百官由左右掖門入。詣丹墀東西北向立。鼓三嚴。執事官詣

華蓋殿伺候。內官跪奏。

皇帝具袞冕陞座。鍾聲止。儀禮司官跪奏各

執事官行禮贊五拜禮畢贊供事執事
官各就位儀禮司官跪奏請

陞殿駕興中和韶樂奏聖安之曲尚寶官捧
寶前行導

駕官前導扇開簾捲尚寶官置寶于案樂止
鳴鞭報時鷄唱曉對贊唱排班齊贊禮
唱鞠躬大樂作贊四拜平身樂止典儀
唱進表大樂作給事中二人請同文案
前導引序班舉案由東門入置殿中樂

止內贊唱宣表目宣表目官跪宣訖俯
伏興唱宣表展表官取表宣表官至簾
前外贊唱衆官皆跪宣表訖內外皆唱
俯伏興平身序班即舉表案于殿東外
贊唱衆官皆跪代致詞官跪于

丹陛中致詞云具官臣某茲遇三陽開泰

萬物咸新
律應黃鍾
冬至
當長至云
恭惟

皇帝陛下膺乾納祐奉天永昌賀訖外贊唱
衆官皆俯伏興樂作四拜興平身樂止

傳

制官詣

御前跪奏傳

制俯伏興由東門靠東出至丹陛之東西向

立稱有

制贊禮唱跪百官皆跪宣

制正旦則云履端之慶與卿等同之贊禮唱

俯伏興平身樂止贊播笏鞠躬三舞踊

贊跪唱山呼百官拱手加額曰萬歲唱

山呼曰萬歲唱再山呼曰萬萬歲凡呼
萬歲樂工軍校齊聲應之贊出笏俯伏
興大樂作贊四拜平身樂止儀禮司官
跪奏禮畢中和樂作奏寧安之曲
駕興尚寶官捧寶前行導駕官前導至
華蓋殿樂止引禮引衆官以次出。

中宮正旦冬至命婦朝賀儀

一凡中宮正旦冬至前期一日女官陳設
御座于宮中設案于丹墀之南其日

清晨內官陳設儀仗于

丹陛之東西。及丹墀東西。女官擎執者立
于

御座之左右。陳女樂于

丹陛東西北向。設箋案于殿東門外。設班
首拜位于中道之東西。設命婦拜位于
丹墀北向。設司贊位于丹墀東西。設司
賓位于命婦班之北。東西相向。設內贊
二人位于殿內東西。命婦至宮門外。司
賓引命婦入。就拜位。女官具服。設班如

常儀尚儀等官詣

內奉迎尚儀奏請陞座

皇后具服出導從如常儀樂作陞座樂止司
贊唱班齊樂作贊四拜樂止外贊唱進
箋引箋案女言前導舉箋案女官二人
舉案由殿東門入樂作至殿中樂止贊
衆命婦繞內贊唱宣箋目宣箋目女官
宣訖興唱宣箋展箋女官詣案前取箋
宣箋女官宣訖興舉案者舉案于殿東

贊命婦皆興司賓引班首由東階陞樂作自東門入至殿中樂止內贊唱跪班首跪衆命婦皆跪班首稱某夫人妻某

氏茲遇

正旦則云履端之節冬至則云履長之節敬詣

皇后殿下稱賀內贊司贊同唱興班首及殿外命婦皆興司賓引班首由西門出降自西階樂作至拜位樂止贊拜樂作四拜樂止司言前跪將

旨由東門靠東出至于丹陛東西向立稱有

旨司贊唱跪衆命婦皆跪司言宣

旨

上旦則云履端之慶
冬至則云履長之慶

與夫人等同之贊興

衆命婦皆興司贊唱拜樂作四拜樂止
尚儀跪奏禮畢

皇后與樂作還宮樂止引禮引命婦以次出
東宮正旦冬至朝賀儀

一凡正旦冬至日典璽官至

東宮座于文華殿中錦衣衛設儀仗于殿外
東西教坊司陳大樂于

文華門內東西北向府軍衛列甲士旗幟
于門外錦衣衛設將軍十二人于殿中
門外及

文華門外東西相向立儀禮司官設箋案
于殿東門外設文武官拜位于
文華門外設傳

令宣箋等官位于殿內東西執事官先行四
拜禮訖各就位引禮引各官詣
文華門外北向立儀禮司官啓請

陸座導司官奉迎

東宮具冕服出樂作。陸座樂止。贊禮唱班齊。
鞠躬樂作四拜。興平身。樂止。唱進箋。給
事中前導箋案。由殿東門入。置殿中。內
贊唱宣箋目。宣訖俯伏興平身。唱宣箋
外贊唱跪展箋官。請案前取箋。宣箋官
宣訖。內外皆贊俯伏興平身。即舉案于
殿東外贊唱。衆官皆跪。代致詞。官中道
跪致詞云。具官臣某等。茲遇

正旦則云
三陽開泰

萬物咸新冬至則云敬惟
律應黃鍾日當長至

皇太子殿下茂膺景福賀畢唱衆官皆俯伏
興平身傳令官跪啓傳

令由東門左出至卅陛東西向立稱有

令贊衆官皆跪宣令

王旦云履端之節同臻
冬至云履長之節

嘉慶贊俯伏興樂作四拜平身樂止儀
禮司官跪啓禮畢

萬壽聖節百官朝賀禮儀

一凡

萬壽聖節百官朝賀禮儀與正旦冬至同但
致詞云恭惟

皇帝陛下萬壽令節臣等誠懽誠忭敬祝
萬萬歲壽不傳

制

中宮千秋節命婦朝賀禮儀

一凡

中宮千秋節命婦朝賀禮儀與正旦冬至同
但致詞云茲遇千秋令節敬詣

皇后殿下稱賀不傳

旨

東宮千秋節百官朝賀禮儀

一凡

東宮千秋節百官朝賀禮儀與正旦冬至同

但致詞云茲遇

皇太子殿下壽誕之晨

臣

某等敬祝

千歲壽不傳

令

朝儀

京官常朝儀

一凡朝班序立公侯序于文武班首次
駙馬次伯自一品以下各照品級文
東武西依次序立風憲糾儀官居下
朝北紀事官居文武第一班之後稍
近上便于觀聽不許撓越如有事奏
湏要從班末行至

御前跪奏不許于班內橫過奏畢即便序入班立

一凡文武百官于

御前侍坐遇有大小官員奏事必須起立候奏事畢復坐不許倨坐失儀如有特旨賜坐則復坐

一凡文武百官出入朝門各照品級第加遜敬如一品以下官遇公侯駙馬加敬禮立則旁立行則後從三品四品官遇一品官加遜禮行立俱後從五品以下官倣此俱不許撓越失儀

如有

宣召不在此限

一凡百官朝參遇有

聖諭教戒須要專心致意拱聽分明即便省身克己不許放肆

一凡百官

御前奏對務必從實知則為知不許妄對

一凡大小官員隨從

上位行丹墀身常朝止不許南向或左或右

環轉隨侍如

上位陞奉天門及丹陛其隨從官員不得徑
行中道并

王道如有

旨令行方許于側邊隨行

一凡官員入朝門須要拱手端行威儀
整肅不許私揖及吐唾不敬

一凡文武百官于奉

天華蓋武英等殿奏事必須穿着履鞋方許

入

殿違者從糾儀御史禮部儀禮司官糾劾
送法司如律

百官朝見禮儀

一凡朝見稽首頓首五拜乃臣下見
君上之禮先拜手稽首四拜後一拜叩頭成
禮稽首四拜者百官見

東宮親王之禮其見父母亦行四拜禮其
餘官長及親戚朋友相見止行兩拜

禮

常朝君父之禮

一凡各王大朝行八拜禮常朝一拜扣頭禮

凡伯叔兄見

天子在朝行君臣禮於便殿內行家人禮伯叔兄坐東面西坐受

天子四拜伯叔兄就于受禮位坐天子居正中南面坐所以尚親親之義以存君

臣之禮

一皇后父見

上行君臣禮。后見父母。行家人禮。

皇太子見

皇后父母。皇后父母立于東西向。皇太子立于西東向。行四拜禮。皇后父母立受。兩拜答。兩拜。

諸蕃朝貢

一凡蕃王來朝。先遣禮部官勞于會同。

館次日于

奉天殿朝見

上位蕃王服其國服。若嘗賜朝服者，則服朝服。行八拜禮。禮畢，即詣

文華殿朝見

皇太子，行四拜禮。見

親王亦行四拜禮。親王立受兩拜。答兩拜。其從官隨蕃王班，後行禮。凡遇宴會，蕃王班次合居公侯伯之下。如蕃王

朝見之後遇有恩賜及蕃國遣使朝貢皆如常朝儀

庶人常見禮儀

一凡民間子孫弟姪甥婿見尊長生徒見師範奴婢見家長又別行四拜禮尋常近別行揖禮其餘親戚長幼照依等第久別行兩拜禮尋常近別行揖禮平交同

冠服

皇帝冕服

衮冕十二章

冕版廣一尺二寸。長二尺四寸。冠上有覆玄表朱裏。前後各有十二旒。旒五采玉珠十二。玉簪導朱纓。圭長一尺二寸。

玄衣纁裳。衣六章。織日月星辰山龍華蟲。裳六章。織宗彝藻火粉米黼黻。

中單以素紗爲之

紅羅蔽膝上廣一尺下廣二尺長三尺織火龍山三章

革帶佩玉長三尺三寸

大帶素表朱裏兩邊用緣上以朱錦下以綠錦

大綬六采用黃白赤玄縹綠織成純玄質五百首小綬三色同大綬間織三玉環

朱襪赤舄祭

天地宗廟及正旦冬至

聖節則服之

皮弁服

皮弁服其皮弁用烏紗冒之前後各
十二縫每縫中綴五采玉十二以
爲飾玉簪導紅組纓其服絳紗衣
蔽膝隨衣色白玉佩華帶玉鈎鑿
緋白大帶白襪黑舄

東宮冠服

衮冕九章

冕九旒旒九玉金簪導紅組纓兩玉

填

圭長九寸五分

玄衣纁裳衣五章織山龍華蟲宗
彝火裳四章織藻粉米黼黻

白紗中單黼領

蔽膝隨裳色織火山二章

革帶金鈎鐙玉佩

綬五采。用赤白玄纁綠織成。純赤質。三百三十首。小綾三色同大綾間織三玉環。

大帶白表朱裏。上緣以紅。下緣以綠。白襪赤舄陪祀。

天地宗朝及正旦冬至朝賀則服之。
親王冠服

袞冕九章

冕五采。玉珠九旒。紅組纓。青纁充耳。

金簪導

圭長九寸二分五釐

青衣纁裳衣五章織山龍華蟲火宗
彝裳四章織藻粉米黼黻

白紗中單黼領青緣

蔽膝隨裳色織火山二章

革帶金鈎鐙佩玉

綬五采赤白玄纁綠織成純赤質三

百二十首小綬三色同大綾間織

三玉環。

大帶表裏白羅朱綠綠。

白襪朱履助祭謁。

廟正旦冬至等朝賀則服之。

世子冠服。

衮冕七章。

冕三采玉珠七旒紅組纓青纁充耳。

金簪導。

圭長九寸。

青衣纁裳衣三章。織華蟲火宗彛裳。
四章。織藻粉米黼黻。

素紗中單。青領襍赤鞞。

革帶佩白玉。玄組綬。

綬紫質用紫黃赤三采。織成間織三
白玉環。

白襪赤舄。

文武官冠服

一文武官朝服。梁冠。赤羅衣。白紗中單。

俱用青飾領緣。赤羅裳青緣。赤羅蔽膝。
大帶用赤白二色絹革帶佩綬。白襪。
黑履。一品至九品俱以冠上梁數分
等第。

公冠八梁。加籠巾。貂蟬。立筆五折四柱。
香草五段。前後用玉為蟬。

侯冠七梁。加籠巾。貂蟬。立筆四折四柱。
香草四段。前後用金為蟬。

伯冠七梁。加籠巾。貂蟬。立筆二折四柱。

香草二段。前後玳瑁為蟬。俱左插雉尾。

駙馬冠與侯同。不用雉尾。

一品冠七梁。不用籠巾。貂蟬。革帶與佩俱用玉。綬用綠黃赤紫四色絲織成。雲鳳四色花錦。下結青絲網。綬環二。用玉。笏用象牙。

二品冠六梁。革帶綬環用犀。餘同一品。三品冠五梁。革帶用金。佩用玉。綬用黃。

綠赤紫四色織成雲鵷花錦下結青絲網綬環二用金笏用象牙。

四品冠四梁革帶用金佩用藥玉餘同五品冠三梁革帶用銀釵花綬用黃綠赤紫四色織成盤鵷花錦下結青絲網綬環二用銀鍍金笏用象牙。

六品七品冠二梁御史加猶梁革帶用銀佩用藥玉綬用黃綠赤三色絲織成練鵷花錦下結青絲網綬環二用

銀笏用槐木。

八品九品冠一梁革帶用烏角佩用藥
玉綬用黃綠二色絲織成鵷鵒花錦
下結青絲網綬環二用銅笏用槐木
一文武官朝服于

大祀慶成正旦冬至。

聖節及頒降開讀詔赦進表傳制則服之。

公服

一文武官公服用盤領右衽袍或紵絲紗

羅絹從宜製造袖寬三尺

一品至四品緋袍 五品至七品青袍

八品九品綠袍 未入流雜職官袍

笏帶與八品以下同

公服花樣

一品用大獨科花徑五寸

二品用小獨科花徑三寸

三品散搭花無枝葉徑二寸

四品五品小雜花紋徑一寸五分

六品七品小雜花徑一寸八品以下無

紋

幘頭用漆紗二等展角各長一尺二寸

其雜職官員幘頭用垂帶

笏依朝服為之

腰帶

一品用玉或花或素 二品用犀

三品四品用金荔枝 五品以下用烏犀

鞢用青革仍垂撻尾千下鞢用皂其

在京文武官于每日早晚

朝奏事及侍班謝

恩見辭則服之在外文武官員於每日清早

公座服之

一凡各處雜職未入流品人員若遇大朝賀進表等陪班行禮止用公服

祭服

一文武官陪祭服一品至九品青羅衣
白紗中單俱用皂領緣赤羅裳皂緣

赤羅蔽膝方心曲領其冠帶佩綬等

第並同朝服

常服

一品官常服用雜色紵絲綾羅綵繡庶民止用紬絹紗布不許別用

一花樣公侯駙馬用麒麟白澤

文官一品二品仙鶴錦鷄

三品四品孔雀雲鴈

五品白鵬 六品七品鷺鷥鸂鶒

八品九品黃鸛鵠鸕練鵲

風憲官用獬豸

武官一品二品獅子三品四品虎豹

五品熊羆

六品七品虎

八品九品犀牛海馬

一官員及軍民僧道人等衣服帳幔並不許玄黃紫三色并織繡龍鳳紋違者罪及染造之人其朝見人員四時并用顏色衣服不許純素

命婦冠服

一品冠用金事件。珠翟五箇。珠牡丹開頭二箇。珠半開三箇。翠雲二十四片。翠牡丹葉一十八片。翠口圈一付。上帶金寶鈿花八箇。金翟二箇。口啣珠結二箇。

二品至四品冠用金事件。珠翟四箇。珠牡丹開頭二箇。珠半開四箇。翠雲二十四片。翠牡丹葉一十八片。翠口

圈一付。上帶金寶鈿花八箇。金翟二箇。口啣珠結二箇。

一品至四品。霞帔用雲霞紋。釵花金墜子。褙子用雲霞文。

五品至六品。冠用抹金銀事件。珠翟三箇。珠牡丹開頭二箇。珠半開五箇。翠雲二十四片。翠牡丹葉一十八片。翠口圈一付。上帶抹金銀寶鈿花八箇。抹金銀翟二箇。口啣珠結子二箇。

霞帔用雲霞文。

五品鍍金級花銀墜子。六品釵花銀

墜子。

七品至九品冠用抹金銀事件。珠翟

二箇。珠月挂開頭二箇。珠半開六箇。

翠雲二十四片。翠月桂葉一十八片。

翠口圈一付。上帶抹金銀寶鈿花八

箇。抹金銀翟二箇。口脚珠結子二箇。

七品霞帔楷子。與六品同。

八品九品霞帔用繡纏枝花墜子。與七品同。褶子繡枝圍花。

房屋器用等第

一凡官員蓋造房屋。並不許歇山轉棟。重簷重拱。繪畫藻井。其樓房不係重簷之例。聽從自便。

公侯前廳七間。或五間。兩廡九架。造中堂七間。九架。後堂七間。七架。門屋三間。五架。門用金漆。及獸面擺錫環。家

廟三間五架俱用黑板瓦蓋屋脊用
花樣瓦獸梁棟斗拱簷楠綠色繪飾
窗枋柱用金漆或黑油飾其餘廊廡
庫廚從屋等房從宜蓋造俱不得過
五間七架。

一品二品廳堂五間九架屋脊許用瓦
獸梁棟斗拱簷楠青碧繪飾門屋三
間五架門用綠油及獸面擺錫環。

三品至五品廳堂五間七架屋脊用瓦

獸梁棟簷桷青碧繪飾。正門三間三架。門用黑油擺錫環。

六品至九品廳堂三間七架。梁棟止用土黃刷飾。正門一間三架。黑門鐵環。一品官房舍除正廳外。其餘房舍許從宜蓋造。比正屋制度務要減小。不許太過。其門窗戶牖並不許用朱紅油漆。

一庶民所居房舍。不過三間五架。不許

用斗拱及彩色裝飾。

一器皿。公侯一品二品酒注酒盞用金。
餘用銀。

三品至五品酒注用銀酒盞用金。

六品至九品酒注酒盞用銀餘皆用磁。
漆木器並不許用硃紅及抹金描金。
雕琢龍鳳紋。

庶民酒注用錫酒盞用銀餘磁漆。

一傘蓋

一品二品銀葫蘆頂茶褐羅表青絹裏
三簷

三品四品用紅葫蘆頂茶褐羅表紅絹
裏三簷以上傘蓋俱用黑色茶褐雨
傘俱用紅紬絹

五品用紅葫蘆頂青羅表紅絹裏兩簷
雨傘同四品

六品至九品用紅葫蘆頂青絹表紅絹
裏兩簷雨傘俱用油紙

一官員遮面屏風。榻子。並用雜色漆飾。不許雕刻龍鳳紋。并金飾硃漆。

一官員鞍轡。公侯一品二品用銀。減鐵事件。靴用描銀。

三品至五品用銀。減鐵事件。靴用油漆。六品至九品用擺錫鐵事件。靴用油漆。一凡軍官軍士。應用弓矢。止是黑漆。弓袋箭囊。並不許用硃漆。描金粧飾。

一已上服色器皿。房屋等項。並不許雕刻。

刺繡古帝王后妃聖賢人物故事及
日月龍鳳獅子麒麟犀象等形。

親王冠禮

一前期三日。各執事官于本部習儀至
日傳

制遣官持節行禮。

一前期儀衛司先設

王邸在東序。張帷幄設裯褥于序中。又張
帷于序。儀禮司設掌贊宣

勅戒等官序立位于王邸東稍西向。具九旒
冕翼善冠絳紗袍等服。并網巾金簪
二物各以箱盛。候持節者至。禮部儀
禮司等官啓

王出迎門外。贊禮導王行節入王邸。置中
庭。樂作。贊

王詣香案前四拜畢。禮部等官啓就冠席。
西南向。內侍二人夾侍。樂止。引禮引
賓贊以次。詣壘洗。樂作。搢笏。盥手。樂

止通贊典儀二人露臺東西向冠席
在東序南其冠者在西南向行禮之
時諸執事官陞自東階稍西向掌冠
者執網巾陞賓降一等受之進

王席前稍北面立祝曰惟茲吉日冠以成
人克敦孝友福祿來臻畢供奉官束
髮掌冠跪進網巾樂作贊冠者跪正
之興立掌官後內侍跪進服訖樂止
掌冠啓王復坐執翼善冠陞賓降二

等受之。右手執冠後，左手執冠前，進如前儀。祝曰：冠禮斯舉，寔由成德。敬慎威儀，惟民之則。畢，跪進冠。興，樂作。掌冠啓復坐。贊冠進，跪脫翼善冠，興。內侍跪脫袍服，執袞冕者陞賓降三等，受之。進如前儀。祝曰：冠至三加，命服用章，敬神事上，永固藩邦。跪進服，興。樂作。贊冠跪簪結紘，興。立，掌冠後。王興，內侍跪進袞服，訖，樂止。禮部官引。

王降自東階。樂作。由西階陞醴席。南向坐。
樂止。引禮。引掌冠詣壘洗。樂作。搢笏。
盥手訖。陞西階。樂止。贊冠者取爵詣
司尊所。酌醴授賓。賓跪進席前。北面。
祝曰。旨酒嘉薦。載芬載芳。受茲景福。
百世其昌。畢。

王搢圭受爵。樂奏喜千春之曲。飲訖。奠爵。
出圭進饌。饌訖。引。

王降自西階。詣東序。易服訖。樂止。請。

王詣拜位。樂作。引禮引宣勅戒官至中庭。
西向立。稱有

制。王跪。樂止。宣勅戒曰。孝于君。親友于兄弟。
親賢愛民。率由禮義。毋溢毋驕。永保
富貴。樂作。俯伏興。四拜興。樂止。禮部
官啓禮畢。引

王還。樂止。掌冠等官復

命。王是日謁

廟畢。就詣

父皇及東宮前謝次日百官稱賀畢詣

王府行叩頭禮。

婚禮

親王婚禮儀式

定親禮物

金五十兩

珍珠一十兩重

用紅綠紗銷金袋二箇

花銀四百兩重

各色紵絲四十疋

用紅綠羅銷金束子一百二十箇。

大紅羅二疋

用紅綠羅銷金束子六箇

生紗二疋

用紅綠羅銷金束子六箇

裏絹四十疋

綿臘脂一百箇金花臘脂二兩重

用抹

金花銀合一對計六兩重

鉛粉二十袋計一十兩重

用紅綠銷金袋二箇

北羊四牽

用紅綠絹銷金蓋襪四條并牽羊紅麻索四條

猪二口

鵝二十隻

酒八十瓶用紅綠羅銷金小蓋 銅錢八

筒四

圓餅八十筒用紅紙花貼面

末茶一十袋用紅綠羅銷金袋一十筒

果六合

白熟米二石作四合每合上

麵四十袋用紅紙花貼面

媒人

紵絲二疋用紅綠羅銷金束子六筒

裏絹二疋

開合

紵絲一疋 用紅綠羅銷金束子三個

裏絹一疋

已上禮物媒人并內官一員送至
妃家媒人就引妃家回奉禮物從

西華門入如命官則

皇帝前復命外命婦則

皇后前復命。

納徵

禮物

玉穀圭一

累玉圭錦袋二件盛玉圭一截金雲鳳硃紅木匣一箇

內錦褥一片

玄纁紵絲五疋

玄纁三疋羅錦金束子一十

五箇

珠翠燕居冠一頂冠盞全

冠上火珠博鬢結子等項全

金鳳二箇金寶鈿花二十七箇金

簪一對冠上珊瑚鳳冠紫一副

燕居服四套

大紅紵絲一件 大紅線羅一件

大紅素紗一件 青線羅一件

大帶四條內大紅線羅一條青線羅一條

玉革帶一副

玉事件九件

金事件三件

玉花線結綬一副紅線羅紫帶紅線羅紫帶

綵結上玉綬花一箇

綬帶上玉墜珠六顆

綬帶上金垂頭花板四片金葉兒

六箇

白玉鈎張鳳紋珮一副

玉事件二十件串珠全

金鈎二箇

紅羅銷金夾袂大小五條

包燕居服及玉革帶

等用

珠面花四副

珠花四枝金鄰八錢重

金脚四珠環一雙金脚五錢重

梅花環一雙金脚五錢重

金釵花釧一雙二十兩重

金光素釧一雙二十兩重

金龍頭連珠鐲一雙一十四兩重

金八寶鐲一雙八兩重外寶石一十

金四百兩九成色二百兩

花銀一千六百兩

珍珠二十四兩重

用紅綠紗鋪

寶鈔五十貫

乘馬四疋

紅籠頭錦鞵四副

各色紵絲六十疋

用紅綠羅鋪金束

各色綾六十疋

用紅綠羅鋪金束子

各色紗六十疋

用紅綠羅鋪金束子

各色羅六十疋

用紅綠羅鋪金束子

各色錦六十疋

用紅綠羅鋪金束子

大紅羅四疋

用紅綠羅銷金束子一十二箇

生紗四疋

用紅綠羅銷金束子一十二箇

各色絹三百疋

白綿二十觔

臘脂二合重二兩

對金臘脂一合一兩

鉛粉二十袋重一十兩

用紅綠羅銷金袋二箇

北羊三十二牽

用紅綠銷金蓋袂三十二條牽羊紅府索

三十條

猪一十六口

鵝三十二隻

酒一百瓶

用紅綠羅銷金蓋袱二日
每條墜角折二銅錢四箇

末茶三十二袋

用紅綠羅銷金
袋三十二箇

果二十合

響糖二合

芝麻纒糖二合

茶纒糖二合

砂仁糖二合

胡桃纒糖二合

木彈二合

蜜煎二合

棗子二合

乾葡萄二合

胡桃二合

圓餅六百箇

用紅紙花貼面

白麪一百二十袋

用紅紙花貼面

紅紗罩盞

大小一十二箇

開合

紵絲八疋

用紅綠羅銷金束子二十四箇

媒人

紵絲一十二疋

用紅綠羅銷金束子三十六箇

徵納禮儀

前一日尚寶司陳設

御座于

奉天殿

禮部官監

設冠服首飾金銀段匹等

物于

文樓下教坊司設中和樂于殿內其日清

晨錦衣衛設儀仗于

丹陛丹墀之東西教坊司設大樂于

丹陛之東西北向及設樂于

午門外設護衛將軍文武官執事官如常

儀儀禮司設百官侍立位于

文武樓南設玉帛案于殿內之東鼓三嚴
文武官具朝服至侍立位東西相向
鍾聲止儀禮司跪奏請陞殿

皇帝具皮弁服導駕奉引如常儀樂作陞座
樂止鳴鞭訖序班舉玉帛案置殿中
引正使副使入就拜位贊鞠躬樂作
贊四拜興平身樂止承制官詣

御前跪承

制俯伏興由東門稍東出序班舉玉帛案隨

上置丹墀中道承制官稱有

制贊禮贊跪宣

制曰。今聘某官某女為某王妃命卿等行納徵禮。贊禮贊俯伏興。樂作。四拜。平身。

樂止儀禮司奏禮畢

駕興。樂作。鳴鞭。樂止。引禮引玉帛案由

奉天門東門及

午門東門出。置玉圭玄纁于綵輿。執事官

引

文樓下儀物由

午門東門出以次陳列正副使行至
御橋外收服乘馬至妃家

妃家行納徵禮

前一日妃家設正副使幕次于大門
外道左南向設香案于正堂中設受
玉帛案于香案之南其日禮物至妃
家引禮捧玉圭玄纁先行正副使隨
之至幕次執事者陳禮物及冠服等

物于正堂。捧玉帛者。俟于幕次。東西

向禮官一員。先入至正堂。立于東西

主婚者出見。立于東西向禮官曰奉

制命正使某官某副使某官某為某王行納

徵禮引禮引主婚者出迎引禮引正

使捧玉圭副使捧玄纁先行主婚者

隨行引禮引至正堂置玉圭玄纁于

案正使立于案之左。西南向副使立

于案之右。東南向贊禮引主婚者就

拜位。贊鞠躬。四拜。興。平身。贊詣前跪。

贊捧圭。

正使捧王圭授主婚者。

主婚者受王圭。

以授執事者。

執事者跪受置于案。

贊捧帛。

副使捧玄纁授主婚者。

主婚者受玄纁。

以受執事者。

執事者跪受置于案。

贊主婚者俯伏。興。平身。

贊復位。贊四拜。興。平身。禮畢。正副使

出。主婚者至。正副使致詞云。請禮從

者。

酒饌畢。

主婚者捧帛以勞正副使。

正使副使出。主婚者送至門外。正使

副使詣

皇帝前復命妃家回儀從

西華門入內官監監官奏

聞。

發冊儀物。

金冊一副

兩葉計足色金一百兩重。造每冊高一尺二寸五分。

籍冊錦一片

紅絹裏

照貫冊葉

用紅絲條

墊冊錦褥一箇

紅絹裏

累冊紅羅銷金小夾袂一條

渾金瀝粉雲鳳冊盃一箇

內用紅紵絲裝襯花

銀釘鉸一副。重一兩二錢。嵌金絲鉄鎖鑰一副。

覆盃紅羅銷金大夾袂一條

九翬一鳳冠一頂

冠上大花九樹小花九樹寶鈿九箇

翠雲博髻描金珠皂羅額珠眉心珠

牌環金冠上金鳳四箇牌環脚一雙

翟衣三套描金雲鳳沉香色木匣一箇

銅鎖鑰
索扛全

青紵絲綉翟衣一件。青紵絲綉蔽膝一
件。玉色線羅中單一件。紅綠襪。

青線羅綉翟衣一件。青線羅綉蔽膝一
件。玉色線羅中單一件。紅綠襪。

青紗綉翟衣一件。青紗綉蔽膝一件。玉
色紗中單一件。

青紅線羅銷金大帶一條。上有青紵絲
副帶一條。

五色線錦綬一副上有玉環二箇。青紅羅絲結全。

白玉鈎碾鳳文珮一副。

玉事件二十件。串珠全。

金鈎子并圈二箇。

五色線錦襯一副。

白玉革帶一副。

青紵絲裏鞋
描金大翟衣

玉事件一十件。

金事件五件。

青紵絲烏一雙。上有珠六顆

青羅襪一雙

紅羅銷金夾袂大小五條。包裏翟衣玉珮玉帶等用

鳳轎一乘

錦坐褥一箇。

錦踏褥一箇。

紅交床一把。紅穿條全

紅簾一扇。青羅銷金沿邊綉帶全

紅羅銷金轎衣一件。瀝水頂罩全

紅油絹銷金兩轎一件。澀水頂單全

絲結四串。抹金銀香圓寶蓋四副。計

件共花銀
一十六兩

儀仗

紅杖二

清道旗二

絳引旛二

戟擎二

班劍二

結子絹袋全

儀刀二

結子紅絹袋全

梧杖二

絹袋全

鐙杖二

絹袋全

立瓜二

絹袋全

卧瓜二

絹袋全

骨朶二 絹袋全 響節四 絹袋全

紅綉傘一把 絹袋全

青方傘一把 絹袋全

紅綉團扇四把 絹袋全

青綉團扇四把 絹袋全

紅紗燈籠四箇 竿全

坐障一 竿全

行障二 竿全

抹金交椅脚踏一副除木外計花銀

一百兩重。搭座踏褥結子全。

抹金銀水罐一箇重六十兩

抹金銀水盆一箇重六十兩

抹金銀唾盂一箇重一十六兩

抹金銀唾壺一箇重一十六兩

抹金銀香爐一箇重一十六兩

抹金銀香合一箇重一十六兩

擎執官人銷金羅袍一十四領。抹金釵
花銀帶一十四條。翠花紗帽一十四

頂皇堯皮靴一十四雙。

女轎錦衣袍一十六領汗跨一十六副
銅束帶一十六條花紗帽一十六頂
紅綿布鞵鞋一十六雙。

發冊命使儀注

其日清晨內官監錦衣衛尚寶司教
坊司文武執事等官于

奉天殿陳設如納徵儀儀禮司設冊案于
殿內之東承制官持節官位于殿內

之東西向。設正使副使拜位于丹墀。
正使在東。副使在西。錦衣衛設蓋。冊
黃傘一于殿門外。禮部陳設綵輿于
午門外。內官陳王妃鳳轎儀仗于綵輿之
南。鼓三嚴。引禮引文武官入就侍立
位。鍾聲止。儀禮司跪奏請陞座。

皇帝服皮弁服。導駕官奏引如常儀。樂作陞座
樂止捲簾鳴鞭訖。引禮引正副使
各就拜位。贊禮贊鞠躬。樂作贊四拜

平身樂止承制官詣

御前跪承制俯伏興由東門稍東出持節官
舉節舉冊官舉案隨行亦由東門稍
東出校尉擎傘遮護冊行至丹墀御
道中持節官立于案東西向傳制官
稱有

制贊禮唱跪宣

制曰今冊某官某女為某王妃命卿等持節
行禮贊禮贊禮俯伏興鞠躬四拜興平

身樂止持節官以節授正使引禮引
節冊及正副使由

東道至

奉天門由

東門出至

午門外置冊于綵輿儀禮司官奏禮畢。

駕興樂作百官捲班以次出儀仗鳳轎前行

引禮引節及綵輿正副使隨行過

御橋收服持節正副使俱上馬至

妃府行冊禮。

冊至妃家行禮儀注

是日妃府先設幕次于大門之外南向。設香案于正廳。冊使至。引禮引正副使至幕次。禮官先入見主婚者。禮官曰奉

制命正使某官某副使某官某持節行冊禮。主婚者出迎。引禮引正使持節副使捧冊入。主婚者隨行至正廳。正副使

立于香案東南向引禮引主婚者至
拜位贊禮贊鞠躬四拜興平身退立
南引禮引接用內官詣前贊禮贊舉
周副使以周授內官跪受訖贊禮贊詣中堂
行禮內使二人引捧用內官入中堂
正副使仍前立候內官出告行禮畢
正使副使以節出主婚者詣禮正副
使如納徵儀。

受冊儀注

其日妃府陳設香案于中堂設冊案于香案之南設妃拜位于冊案之南妃服翟衣訖俟內官捧冊入置于案贊禮女官一員居東一員居西在妃拜位前相向立宣冊女官展冊女官立于東引禮女官二員分左右引妃出房至冊案前拜位女使執事者立于西贊禮女官贊四拜興宣冊女官稱有

制女官贊跪跪贊宣冊

宣冊女官請冊案前取冊立宣于香案東

女官宣冊訖以冊入于盥贊受冊宣

官捧冊立授

女官贊以冊授執事者

妃以冊授女使女女官贊妃興又贊

四拜禮畢

內官出告正

執事者徹香

案間案設妃座引禮請妃陞座衆命

婦及應賀者序立于庭北向贊四拜

禮畢妃降座

催粧禮物

圯羊二牽

紅綠絹銷金蓋袂二條

酒二十瓶

紅綠絹銷金蓋枕袂二十條
條陸陶折二銅錢四箇

果二合用花口枝

已上禮物內官一員送至妃家

鋪房

一妃家于親迎先擇日將房奩床帳等

物至

王府鋪房禮部預先奏知至日妃家備鼓

樂迎引從

午門東角門入。鼓樂止于閤西。妃母或親

戚入

內陳設。

醺戒儀注

其日內官監設

上位。

中宮御坐于宮中。設大樂儀仗于丹陛之東。

西。執膳內官。先備酒金爵果合。以俟。

上位服皮弁服。

中官燕居服出。樂作。陞座。樂止。

王服衮冕。贊引引王由殿東門入。詣

上位前。贊禮贊鞠躬。樂作。贊四拜興。平身。止。

執事者以爵斟酒立干。

御前之東。贊禮贊王詣前跪。贊搢圭。贊受爵。

執事者以爵立授王。王受爵飲訖以爵授執事者。執事者跪受以退。

贊禮贊出圭。恭聽。

戒命。致。隨旨意。王聽戒辭訖。贊俯伏興。平身。贊

復位。贊鞠躬。樂作。贊四拜興。平身。樂

贊禮引王詣

中宮前。禮同贊禮畢。引禮引王出。收衮冕。具皮弁服。行親迎禮。

妃受醮戒儀

親迎日。妃家先于祠堂陳設祭物。妃服燕居冠服。妃父母同妃詣祖宗前奠酒讀祝。禮畢。執事者具酒饌。命妃飲食訖。父母坐于正堂。女執事引妃詣父母前。各四拜。父母隨意致戒辭。

妃聽受訖。次辭諸尊長禮畢。改服翟衣以俟。

親迎儀注

其日儀衛司先設

王儀仗象輅于

承天門外。妃家先設王幕次于中門之外。設香案帛案于正堂之中。是日王受

命訖。引禮引王由

午門東門出。典儀具服跪請陞輅。王陞儀輅

從前導過

御橋樂作。至妃家門外。引禮跪請王降輅。
導引至幕次。禮官一員先入至正廳。
立于東西向。主婚者出見立于西東向。
禮官曰其王奉

制行親迎禮。引禮二人具服。引主婚者迎王

于幕次之外。內官二員具服。引王出

幕次。主婚者請王入中堂。王先行主婚者後隨

內官具服捧禮物入。至于中堂。主婚

者進立于堂中之左。妃母立于堂中

之右。

棟西向

王至中堂。女執事二人引

妃出房。立于妃母之下。內官引王至

案前。內官捧帛進。王以帛置于案。

內官引王稍退。近東西向立。贊禮引

主婚詣帛案前行八拜禮。

退位

復執事

者。徹案。引禮。內官導王先出。女轎夫

舉鳳轎。至于中門之內。內官具妃儀

仗于中門之外。女執事引妃出。內官

跪啓請王詣轎所啓請揭簾妃陞轎
內官啓請王陞輅前行妃具儀從後
行王至

承天門外降輅候妃至內官跪啓請王揭
簾妃降轎王先行至內釋皮弁服具
袞冕至

奉先殿前俟妃入

午門陞轎將至

奉先殿降轎行

廟見禮

廟見儀注

是日內官于

奉先殿陳設牲醴祝帛訖每廟猪一半一帛二共一筐祝

共贊引二人引王二人引妃至

奉先殿詣

德祖玄皇帝皇后神御前王在東妃在百贊王與妃

皆兩拜贊跪王跪妃跪贊搢圭王搢贊

進帛執事者以帛跪進于王右贊受帛王受帛以授執事者

贊奠帛。執事者以帛贊進爵。執事者

進于贊受爵。王受爵以贊獻爵。執事者以

爵奠于

玄皇帝皇后前贊再進爵。執事者贊受爵。王

爵以授執事者以贊獻爵。執事者以

玄皇帝皇后前贊俯伏興。王俯伏與贊王復

位贊王與妃皆兩拜。平身。次詣

懿祖皇帝皇后。

熙祖皇帝皇后。

仁祖皇帝皇后。

上禮同

贊詣讀祝位。

王詣讀

贊

跪。

王跪妃亦跪

讀祝訖贊俯伏興平身。

王俯

伏興平身妃亦興

贊王復位贊王與妃皆兩

拜平身贊執事者捧祝帛各詣燎所

贊詣燎位。

王與妃詣燎位

贊禮畢引禮引王

及妃還宮行合卺禮。

合卺儀注

其日内官先于

王宮設王座于東。設妃座于西。東各設

拜位于座之南設酒案于正中稍南

置兩爵兩盞于案上執事者啓請王

具皮弁服訖贊引導王與妃至宮門

贊引二人導王前陞二人導妃後陞

贊請就拜位王與妃各就拜位贊兩拜王與妃皆

兩拜贊請陞座王與妃皆陞座執事者二人

舉饌案進于王及妃之前女官司尊

者取金爵盞酌酒以進王與妃皆受爵飲訖女

官進饌王與妃皆舉饌訖女官再以金爵進

酒王與妃皆飲訖女官進饌王與妃皆饌訖女官

再以盃盞酌酒合和以進王與妃皆飲訖又

進饌王與妃皆饌訖凡三舉酒饌畢執事者

徹饌案贊王與妃興就拜位相向贊

兩拜禮畢王從者餞妃之饌妃從者

餞王之饌

朝見儀注

第二日清晨王冕服妃翟衣贊引各

啓請出宮至

宮門外以俟

皇帝服皮弁服。

中宮服燕居服。陞座。贊引引王及妃自東門入。王先入。妃從之。贊禮贊詣

皇帝前。

王立于東
妃立于西

宮人以棗栗盤立于妃之

右。贊王與妃皆四拜。執事者二人舉

案至。

皇帝前。宮人以棗栗盤授妃。妃捧棗栗盤置
于案上。執事者舉案。妃隨捧進至。

皇帝前妃復位贊禮贊王與妃皆四拜興贊
引引王及妃詣

皇后前宮人以暇脩盤立于妃左贊王與妃
皆四拜興執事者二人舉案至

皇后前正中宮人以暇脩盤授妃妃捧暇脩
盤置于案上執事者舉案妃隨舉進
至

皇后前妃復位贊四拜王與妃皆四拜興執
事者以

皇帝前棗栗案徹于東。

皇后前脩案徹于西。

贊禮畢。贊引引王及妃出。是日賜王
與妃宴。

與饋

第三日清晨。妃服翟衣。贊引引妃出
陞輿。將至

宮內門降輿。由東門入。俟膳至。贊引引妃
請

皇帝前贊四拜尚食以膳餼妃妃捧膳置于

案

復位

又贊四拜贊引引妃詣

皇后前禮同贊引引妃退位于西南俟膳畢

贊引引妃出

王與妃見東宮儀注

是日王與妃朝

見訖王具皮弁服妃服翟衣詣

東宮前行四拜禮

東宮皮弁服坐受

東宮妃翟衣立受兩拜答兩拜

回門禮物

花銀三百兩重

雜色紵絲三十二疋

紅綠羅銷金束子九十六箇

北羊四牽

紅綠羅銷金蓋袱四條紅麻索四條

酒四十瓶

紅綠銷金蓋袱四十箇

果四合

回門儀注

其日內官先將禮物至妃家

王與妃儀仗導從如常儀。王先行至妃府。

妃父出迎。王先入。妃父從之至正廳。

王立東面。西向。妃父立于西。東向。王于妃父母前行。

四拜禮。妃父母立。各受兩拜。父母王中坐。其

餘親屬見王。行四拜禮。王皆坐。妃至。

入中堂。于父母前行四拜禮。父母正坐。各受。

其餘親屬見妃。各序家人禮。

王府供用器皿

金器

壺瓶一對六十兩重

酒注一對六十兩重

孟子一對二十兩重

贊禮盤二百六十兩重

盤盞二副二十兩重

托裏胡桃木椀四箇六十四兩重

楞邊胡桃木托子四箇五兩重

托裏胡桃木鍾子一對一十一兩重

撒盞一對八兩重

葫蘆盤盞一副一十兩重

茶匙一雙一兩重

匙一雙五兩重

筯一雙五兩重

銀器

果合一對一百六十兩重

汁瓶二對一百兩重

茶瓶一對五十兩重

湯鼓四箇八十兩重

按酒牒一十二箇四十二兩重

果牒一十二箇三十兩重

菜牒一十二箇二十四兩重

漆器

硃紅戔金大托盤二面

紅紗罩一

硃紅戔金饅頭肉盤四箇

紅紗罩二

小車子一乘貼金釘鉸全并頂上

抹金銅火珠一箇四角銅鳳四箇

紅紵絲車衣一副頂裙瀝水頂裏紫

羅帶全

錦坐褥一箇黃綿布骨子黃絹裏綿
花裝。

紅平羅車衣一副頂裙瀝水頂裏絹
紫羅帶全。

錦靠褥二箇綠紵絲邊黃綿布骨子
黃絹裏綿花裝。

紅素油絹雨衣一副。

紅油儀仗木架二座。

公主婚禮

冊公主

前期告

奉先殿用祝帛猪羊行禮如常儀

冊文

維洪武某年歲次某某月某日。

皇帝制曰。古之君天下者。有女必封。爾姪女
今已成人。未有封號。特以某郡為爾
之號。配某官某之子。彼為駙馬。爾為

公主既入某官之門。恪遵婦道。以奉舅姑。閨門整肅。內助常佳。母累父母生身之恩。爾惟敬哉。

謁廟

受冊次日。引禮引公主謁

奉先殿。用香燭。

附馬受

誥。其日駙馬受誥。如常儀。

誥文

夫婦之道。人之大倫。婚姻以時。禮之所重。帝女子嫁。必擇勲舊為姻。此古今通義也。朕今命爾某為駙馬都尉。當堅夫道。毋寵毋慢。永肅其家。以稱親親之意。恪遵朕言。勿怠。

公主受醮戒

其日早公主具禮服辭

奉先殿。申時內官陳設儀仗于

正宮內。丹陛之東西。大樂陳于

丹墀執事女官備金爵酒壺果合以俟內

贊女官二員于

殿之東西

皇帝常服

皇后燕居服陞座公主具禮服引禮女官引

公主詣

皇帝前贊拜樂作四拜樂止贊跪贊受爵女

官以爵斟酒立授公主

公主授爵飲

事者執事跪受贊恭聽

虛爵退復位

戒命隨旨意訓戒公主聽受訖贊興贊復位
贊拜樂作四拜興樂止引禮女官又

引公主詣

皇后前贊拜樂作四拜興樂止贊跪贊受爵

執事女官斟酒立授公主公主受酒

授執事者執事贊恭聽

戒命隨旨意戒訓贊興贊復位贊拜樂作四

拜興樂止禮畢公主換燕居冠服命

婦送至宮門引禮引公主由宮門東

門出過宮門西主陞輦至右門內公主降輦駙馬揭簾公主陞轎內使備儀仗鼓樂前導合女樂三十六人接引至府公侯百官命婦送至府各回家

駙馬受醮戒

其日早駙馬父與駙馬具家用祭物告祠堂畢至午後駙馬父坐于正堂駙馬具見尊長服引禮引駙馬至拜

位贊鞠躬兩拜興平身贊跪贊搢笏

贊受爵執事者斟酒駙馬駙馬受酒

授鞋贊聽訓戒駙馬聽訖意致成辭

贊出笏俯伏興贊復位贊鞠躬兩拜

興平身禮畢駙馬便服上馬行親迎

禮若駙馬父母俱存則父母所

親迎

其日駙馬受醮成訖具儀從鼓樂前

導至

午門西下馬至朝房具朝服候申時序班
二人具服引駙馬由

午門西角門入至右紅門內官二員具服
接引駙馬至內使監前候報公主醮
戒將畢引駙馬至

右門西東向公主至駙馬揭簾公主陞轎駙
馬先由

午門西角門出至上馬處上馬先至府候
公主至揭簾公主降轎同謁祠堂

謁祠堂

執事者先于祠堂設祭物畢引禮女使

引駙馬及公主至祠堂拜位駙馬立于東

贊禮贊鞠躬拜駙馬公主皆兩拜引禮引駙馬

詣高祖考妣神位前公主仍立贊跪駙馬

公主贊搢笏駙馬贊進爵駙馬跪進于

駙馬贊受爵駙馬授執事者以贊獻爵執事者

者以爵奠于高贊再進爵執事者贊受

爵駙馬受爵以授執贊獻爵執事者

爵事者

于高祖妣神位前贊出笏俯伏興公主與孫禮

又引駙馬詣曾祖考妣各神位前如前

儀贊詣讀祝位駙馬至贊跪駙馬跪公

讀祝訖俯伏興公主與贊復拜位贊拜

駙馬公主俱四拜禮畢導還府行合巹位。

合巹

其日女使陳設駙馬座于室東西公

主座于室西東各設拜位于座之南。

設酒案于室中稍南置兩盞兩盞即前

于案上饌案二于室中贊引二人導

駙馬二人導公主就拜位贊兩拜駙

公主相向請就位駙馬公主執事者

捧饌案置于駙馬公主前執事者二

人以二盞斟酒以進駙馬公主執事

者進饌駙馬公主執事者再斟酒駙馬

公主皆飲酒執事者再進饌駙馬公主執

事者以兩盞盞斟酒合和以進駙馬

皆飲執事者又進饌駙馬公主執事

者徹饌案贊駙馬公主興就拜位。駙馬

公主相向禮畢。

見舅姑

一公主見舅姑舅姑坐于東西向公主
立于西東向行四拜禮舅姑各兩拜
賜駙馬冠帶衣服

紗帽一

金帶一

後以玉帶

紵絲羅衣各一襲斜皮靴一雙

鞍馬二

宴禮

大宴

一是日尚寶司設

御座于

奉天殿錦衣衛設黃麾于殿外之東西金吾
等衛設護衛官二十四員于殿東西
教坊司設九奏樂歌于殿內設大樂
于殿外立三舞雜隊于殿下光祿司
設酒亭于

御座下之西膳亭于御座下之東珍羞醯醢
亭于酒膳亭之東西設

御筵于御座之東西設群臣四品位于殿內
之東西設群臣酒尊食卓于殿外設
五品以下位卓于東西兩廊司壺尚
食各供乃事引禮引群臣殿外東西
相向立儀禮司跪奏請陞座

駕興大樂作陞座鳴鞭樂止鳴贊引文武官
四品以上由東西門入至殿中橫班

北向立。五品以下官列于殿外丹墀。
北向立。樂作。贊四拜。樂止。光祿司官
進御筵。大樂作。捧案至。

御前樂止。進花。樂作。進訖。樂止。光祿司官開
爵注酒。捧詣。

御前進第一爵酒。贊內外官皆跪。教坊司跪
奏進酒。飲畢。贊眾內外官俯伏興。樂
作。贊四拜。平身。樂止。贊各就位。序班
隨進群臣卓散花。樂作。散訖。樂止。序

班即進群臣盞第二爵酒。教坊司跪奏二奏皇風之曲。樂作。光祿司官斟酒。

御前序班隨斟群臣酒。教坊司跪奏進酒。俟皇帝舉酒。群臣以次舉飲訖。樂止。光祿司官進湯。鼓吹響節前導至殿外。鼓吹止。殿上樂作。群臣起立。光祿司官進湯。御前群臣復坐。叙班即供群臣湯。樂止。教坊司跪奏進湯。樂作。候。

皇帝舉筋群臣次舉

皇帝進湯訖贊饌成樂止武舞入教坊司跪
奏平定天下之舞舞畢出第三爵酒
教坊司跪奏三奏睿皇明之曲樂作
進酒如前儀樂止教坊司跪奏樂奏
撫安四夷之舞舞畢出第四爵酒教
坊司跪奏四奏天道傳之曲樂作進
湯如前儀食畢教坊司跪奏樂奏車
書會同之舞舞畢出第五爵酒教坊

司跪奏振皇綱之曲。進酒如第三爵
儀飲畢。教坊司跪奏百戲呈應。舞畢
出。第六爵酒。教坊司跪奏六奏金陵
之曲。進酒進湯如前儀。教坊司跪奏
八蠻獻寶。進呈舞畢。出。第七爵酒。教
坊司跪奏七奏長楊之曲。進酒如前
儀。教坊司跪奏採蓮隊子呈應。畢。出。
第八爵酒。教坊司跪奏八奏芳醴之
曲。進酒進湯如前儀。食畢。教坊司跪

奏魚躍于淵呈應畢出第九爵酒教坊司跪奏九奏駕六龍之曲進酒如

前儀

欽訖光祿司官收

御前爵序班隨收群臣盞光祿司官進湯進大膳大樂作群臣起立進訖復坐序班供群臣飯教坊司跪奏進膳食訖贊膳成樂止光祿司官收膳訖教坊司跪奏百花隊舞呈應舞畢出鳴贊唱徹案序班徹群臣卓訖光祿司官

即徹

御案替宴成群臣皆出席北向立序班即徹
群臣座殿外官皆詣丹墀北向立贊
鞠躬樂作贊四拜平身樂止群臣分
東西立儀禮司跪奏禮畢
駕興大樂作鳴鞭百官以次出

中宴

一凡中宴禮儀同前但進酒七爵

常晏

一凡常宴同中宴禮儀。但百官一拜三叩頭。進酒或三爵或五爵而止。

一凡文武官每遇筵宴。四品以上文東武西。各照品級。上

殿侍坐。五品以下。於殿下丹墀內文東武西。各照品級序坐。其奉特

旨賜殿內坐者。不在此限。如在奉天門則四品以上官坐于門上。五品以下官坐于丹墀內。務要容止恭肅。不許撓越。

誼譁

傳制

一凡大祀前三日。陳設如常儀。文武官各具朝服。詣丹墀拜位。鍾磬止。儀禮司跪奏請陞殿。樂作。

皇帝御華蓋殿。具皮弁服出。陞座。樂止。鳴鞭。訖。贊四拜。傳制官詣

御前跪。傳制由東門出。至傳制位。稱有制。贊跪宣。

制云。洪武某年正月某日。大祀。

天地於南郊。你文武百官自某日為始。致齊三日。當敬慎之傳。訖贊俯伏。興樂作。又四拜平身。樂止。奏禮畢。

一凡遣官祭祀前一日。陳設如常儀。次日各官具服於丹墀。北向立。

皇帝御華蓋殿。具皮弁服。鍾磬止。執事官行一拜叩頭禮。訖儀禮司跪奏請陞殿樂作。陞座。樂止。捲簾鳴鞭。訖唱排班。

班齊百官一拜叩頭畢分東西立引
禮引獻官詣拜位贊四拜平身傳制
官詣

御前跪奏傳制俯伏興由東門靠東出至丹
陛東西向立稱有制唱跪宣

制

祭孔子則曰某年月日祭先師孔子大成
至聖文宣王祭帝王則曰先聖歷代帝王

命卿行禮贊俯伏興樂作四拜樂止
禮畢

進春

一是日早文武百官各具朝服于丹墀
北向立應天府官置春案於丹墀中
道之東引禮引府縣官就拜位贊鞠
躬樂作四拜平身樂止典儀唱進春
引府縣官舉春案樂作由東陞陞跪
置于

丹陛中道俯伏興平身樂作又四拜禮畢鳴
贊唱排班引禮引文武官北向立贊
班齊致詞官詣中道之東跪奏云新

春吉辰禮當慶賀。贊鞠躬。樂作。贊王
拜。三叩頭訖。樂止。儀禮司奏禮畢。

頒誥

一陳設如常儀至

皇帝陞殿。鳴鞭。百官一拜叩頭畢。引禮引受
誥官詣拜位。執事官舉誥案于丹墀
中道。或吏部或兵部官奏訖。贊鞠躬
樂作。四拜平身。樂止。執事官舉誥案
置于丹墀中道。贊跪。俯伏。興。樂作。又

四拜樂止禮畢。

開讀

前期一日。尚寶司設

御座於

奉天殿設

寶案于殿東錦衣衛設

雲蓋于

奉天門。教坊司陳中和韶樂于殿內。禮部

設宣讀案于

承天門上西南向。其日清晨陳設如常儀。
教坊司設大樂于

午門外。

承天門外東西相向。儀禮司設百官拜位
于

承天門外橋南。校尉四人擎雲蓋于殿內
簾前。鼓初嚴。文武百官各具朝服。鼓
次嚴。引禮引公侯侍班于

午門外。東西相向。鍾聲止。儀禮司官跪奉

請陞殿。

皇帝服皮弁服。導駕官前導。中和樂作。

陞座。樂止。鳴鞭捲簾。禮部官奉

詔書詣

寶案前。用寶訖。捧置雲蓋中。校尉擎執雲蓋。由殿東門出。大樂作。自東陞降。由

奉天門至

金水橋南。

午門外。樂作。公侯前導。迎至

承天門上。鳴贊唱排班。引禮引文武官就
拜位。唱班齊。鞠躬。樂作。贊四拜。樂止。
宣讀展讀官陞案。稱有。

制贊衆官皆跪。禮部官捧

詔書授宣讀官。宣讀官受。

詔書唱宣讀。宣讀官宣訖。禮部官捧

詔置雲蓋中。贊禮唱俯伏興。樂作。四拜。樂

止。唱搢笏。鞠躬。三拜。跪唱山呼。百

官拱手加額曰。萬歲。唱山呼。百官拱

手加額曰萬歲唱再山呼百官拱手
加額曰萬萬歲凡呼萬歲樂工軍校
擊鼓齊聲應之唱出笏俯伏興樂作
四拜興平身樂止序班即報儀禮司
跪奏禮畢禮部官捧

詔書分授使者畢。

駕興中和樂作鳴鞭樂止百官以次退。

一凡遇有

詔書禮部差人賁往各處開讀所差人員

必預先教其捧詔進退禮儀。

一凡使者欽賚詔書至各處開讀預期一日報知本處官司照依已降儀式迎接行禮。

一凡使者欽賚

勅符丹符到處多係機密重事。不許先期報知。亦不許本處官司迎接。使者與衆官直至本衙門開看。置

勅符于案。使者立于案東。衆官四拜。使者

取符宣讀訖復置于案衆官再行四拜禮畢本處官遂與使者行禮若與一二人止于本家接符從便安放使者以符授本官本官叩頭開看畢乃與使者行禮。

凡使者欽賚詔書至總兵官處近營十里先令人報知總兵官設香案于營內南向列金鼓旗伏率領諸將出營迎接見使者下馬立于道傍候

詔書過總兵官并衆官上馬後從至營門
外各下馬使者前行總兵官并後從
至營內使者捧

詔書置于案使者立于案東西向總兵官
并衆官行四拜禮使者取

詔書以授宣讀官衆官皆跪宣讀畢以授
使者復置于案衆官皆俯伏興平身
行四拜禮禮畢使者東立西向總兵
官西立東向行兩拜相見禮畢使者

居東總兵官居西相向叙坐。

一凡使者欽賚

勅諭勅符手詔至總兵官處。干係機密軍務。經過去處。不許報知。本處官司亦不許迎接。徑至總兵官營外。先密遣人報知。總兵官設香案于兵幕南。向總兵官親出營迎接使者下馬捧

制諭勅符前往。總兵官後從至兵幕。使者取制諭勅符置于案。使者立于案東。西向總兵

官行五拜禮畢。悉令屏去左右。使者取

制諭勅符親授總兵官。開看畢。即收卷復置
于案。使者東立。西向總兵官。西立東
向。行兩拜相見禮畢。使者居東。總兵
官居西。相向叙坐。

一凡總兵官奉

命征討。凡遇使者賫到制諭勅符手詔。依儀
行禮。即便依

旨奉行。如有應合復奏事理。隨時具奏請
旨。不許遲延。方

命。違則如律。

表箋

一天壽聖節。在外五品以上衙門止進
表文一通。正旦冬至拜進。

皇帝表文。中宮箋文。東宮箋文。各一通。在外
各王府。并各布政司。按察司。及直隸
府州。表箋俱各差官齎進。禮部各州。

朱箋進于各府。各府進于布政司。其餘五品以上衙門。隸布政司者。亦進于布政司。布政司差官類進禮部。其各都司及直隸衛所差官。賫進五軍督都府。至日禮部官以各處所進表箋目通類奏聞。

貢舉

一凡舉保孝廉人才。秀才及山林隱逸。本部即行所屬。委自正官。選求民間。

果係名實相副。素無過犯之人。有司起送到部。咨發吏部聽用。

一歲貢生員到部。本部奏

聞送翰林院考試。如果中式者。送國子監讀書。其入學五年以上。及二次不中者。發充吏典。提調官吏及教官訓導。照例決罰。

學校

一在京國子監。中都國子監。及天下府

州縣學校本部悉掌之。

一科舉凡遇子午卯酉年則鄉試辰戌
丑未則會試畢則

殿試其取中舉人咨發吏部聽用。

一禮射書筭已有定式各處學校生員
務要講習精熟以備考試。

旌表

一本部據各處申來孝子順孫義夫節
婦理當旌表之人直隸府州咨都察

院差委監察御史覈實各布政司所屬從按察司覈實着落府州縣官同里甲親隣保勘相同然後明白奏聞即行移本處旌表門閭以勵風俗


印信


一凡開設各處衙門合用印信劄付鑄印局官依式鑄造給降其有改鑄銷毀等項悉領之

雜行

一凡本部缺吏員皂隸即行移當該衙門撥補


大祀殿





太廟

凡




凡


侯相
家

厨神


門


社稷壇






山川壇 先農旗壽縣附






帝王殿

聖部





上帝
皇祇仁祖同

羹

脾析 芹菹 韭菹 稻 黍 鹽 榛 鼻

豚胎 兔醢 醢醢 梁 稷 蕡 菱 餅

饔飧 筴道 菁菹 棗 芡 糗餌

糝食 角醢 鹿醢 栗 鹿脯 粉食

大明

夜明同

金

脂	脂	脂	稍	禾	鹽	榛	白
脂	脂	脂	梁	稷	薰	菱	麝
	芹	蕈			棗		茨
	鹿	鹿			栗		麻

神祇

和菜

和菜

和菜

猪

猪

猪

猪

猪

猪

猪

猪

猪

猪

猪

猪

猪

猪

猪

猪

猪

猪

猪

猪

北岳
北岳更名為鎮東海
 古曰北岳鎮東海
 鎮東海鎮東海
 雷雨南岳南鎮南海

大益

和義

餅

榛

形

黍

稻

蘆

蔗

餅

果餅

菱

紫

稷

梁

鹽

鹽

鹽

艾

棗

薑

薑

鹿脯

栗

鹿

鹿

星辰

祭山川壇及
帝王先師司

和美

太羹

和羹

白餅

榛

醢

黍

稻

藟

藟

脾析

黑餅

麥

藟

稷

粱

醢

藟

豚脂

芡

棗

藟

藟

鹿脯

栗

鹿脯

魚醢

社稷

翼

太羹

和羹

白餅

榛

鹽

黍

稻

韭

芹

脾析

黑餅

麥

藿

稷

梁

醯

醢

豚

稷

芡

棗

藿

藿

藿

藿

鹿脯

栗

脯

醢

糗食

大廟
五穀之長
 養民之司
 養民之司
 養民之司

和羹

大羹

和羹

大羹

白餅

榛

形鹽

黍

稻

薑

芷

胆析

黑餅

菱

薑

稷

梁

醢

醢

豚

糗餌

芡

棗

菁

藟

飽食

粉

鹿脯

栗

鹿脯

醢

糗食

凡

凡

凡

凡

功臣

和英

世祖

和英

和英

和英

和英

果

正

和羹

栗

形益

黍

稷

蕡

苽

鹿脯

棗

鹿醢

兔醢

西燕

配享
每壇

鹿脯

栗

棗

形塩

黍

稷

菁藟

鹿醢

芹藟

兔醢

祠部

郎中員外郎主事掌祠祀享祭天文漏刻國忌廟諱卜筮醫藥道佛之事

祭祀

郊祀

一齋戒

凡齋戒前二日太常司官宿於本司

次日具本奏

開致齋三日次日進銅人傳制諭文武百官

齋戒不飲酒不食葱韭菹蒜不問病
喪不聽樂不理刑名不與

妻妾
同奏

當日本部官同太常司官於城隍廟
發咨仍於各廟焚香三日

一告廟

凡正祭前二日用祝文酒菓

奉先殿告

仁祖配

上帝

皇祇

告廟祝文

維洪武某年歲次某甲子某月某日

孝子皇帝 敢昭告于

皇考仁祖淳皇帝茲以正月某日恭祀

上帝

皇祇于大祀殿謹請

皇考配

神伏惟

鑒知謹告

一省牲

用牛二十八

羊三十三

豕三

計

正祭前二日太常司官奏

聞明日與光祿司官省牲次日省牲畢一同

復

命就奏定分獻官二十四員

一正祭陳設

共二十七壇
後增壇一

正殿三壇

後增壇一

上帝南向

犢一

登一實以大羹煮肉汁不用鹽醬

籩十二實以形鹽 藁魚 棗 栗

榛 菱 芡 鹿脯 白餅造白麴 黑

餅蕎造麴 糗餌造米粉 粉餈糯米餈糕

豆十二實以韭菹以韭切去本末取中四十 菁菹

芹菹 荀菹 醢醢猪肉鮮用鹽酒料調和

鹿醢 兔醢 魚醢 脾析用牛百葉切細

湯熟用鹽 酒造用 **豚** 胎猪肉 飽食用糯米飯

糝食 與用牛羊豕肉細切

簋簋各二實以黍 稷 稻 梁

玉用蒼壁

帛一 蒼色織成郊祀制帛曰字

皇祗 南向

犢一 登一 籩十二 豆十二

簠簋各二

玉用黃琮

帛一黃色郊祀制

仁祖配位在東向西向

犢一 登一 籩十二 豆十二 簠

簋各二

玉用蒼璧

帛一蒼色郊祀制

共設酒尊六爵九篚三千東南西

向

祝文案一于殿西

丹墀四壇

大明

在東
西向

犢一

登一

籩十

無糗餌粉
養下同

豆十

無飽食
食下同

簠簋各二

帛一

紅色禮
神制帛

酒尊三

爵三

篚一

夜明

在西
東向

犢一

登一

籩十

豆十

簠簋

各二

帛一

白色禮
神制帛

東鎮壇

陳設同

東海壇

陳設同

太歲壇

陳設同

帛一白色禮制帛

帝王壇

陳設同

帛十六白色禮制帛

酒盞十三

山川壇

陳設同 帛二白色禮神制帛 酒盞三十

神祇壇

羊五豕五 鉶三無大羹 籩豆各八

簠簋各二 酒盞三十 帛一白色禮神制帛

酒尊三 爵三 篚一

四瀆壇

陳設與北岳同 帛四黑色禮神制帛

酒盞三十

西十壇

北海壇

陳設與北岳同

西嶽壇

陳設同 帛一白色禮神制帛下同

西鎮壇

西海壇

陳設並同

中嶽壇

禮山

陳設同 帛二黃色祀神制帛 酒盞三十

中鎮壇

陳設同

帛一

黃色禮神制帛

酒盞十

風雲雷雨壇

陳設同

帛四

白色禮神制帛

酒盞三十

南嶽壇

陳設同

帛一

紅色禮神制帛

酒盞十

南鎮壇

南海壇

陳設並同

一儀注

典儀唱樂舞生就位執事官各司其事陪祀官分獻官各就位導引官引

皇帝至御位內贊奏就位典儀唱燭紫庭毛血迎神協律郎舉麾奏樂樂止內贊

奏四拜同官

典儀唱真玉帛奏樂內贊奏陞壇至

上帝前奏搢圭執事官以玉帛跪進于

皇帝右真訖奏出圭至

皇祇前奏播圭執事官以玉帛跪進于

皇帝左奠訖奏出圭至

仁祖前奏播圭執事官以玉帛跪進于

皇帝右奠訖奏出圭復位樂止典儀唱進俎

奏樂犧齊即昇饌至內贊奏陞壇至

上帝前奏播圭進俎至

皇祇前奏進俎出圭至

仁祖前奏播圭進俎出圭復位樂止典儀唱

行初獻禮奏樂內贊陞壇至

上帝前奏摺圭執事官以爵跪進于

皇帝右奏獻爵出圭至

皇祇前奏摺圭執事官以爵跪進于

皇帝左奏獻爵出圭詣讀祝位跪讀祝樂

止讀祝官取祝跪于

神位右讀訖樂作奏俯伏興平身昭官至

仁祖前奏摺圭獻爵出圭復位樂止典儀唱

行亞獻禮奏樂內贊奏陞壇至

上帝前奏摺圭執事官以爵跪進于

皇帝右奏獻爵出主至

皇祇前奏搢圭執事官以爵跪進于

皇帝左奏獻爵出主至

仁祖前奏搢圭執事官以爵跪進于

皇帝右奏獻爵出主復位樂止典儀唱行

終獻禮奏樂亞儀同樂止太常卿進立

殿西向東唱賜福胙內贊奏詣飲福

位跪搢圭光祿司官以福酒跪進奏

飲福酒光祿司官以昨跪進奏受昨

出主俯伏興平身復位奏四拜百官
典儀唱徹饌奏樂執事官各壇徹饌
樂止典儀唱送神奏樂內贊奏四拜
百官樂止典儀唱讀祝官捧祝進帛
官捧帛掌祭官捧饌各詣燎瘞位奏
樂執事官各執祝帛饌出內贊奏禮
畢

一分獻儀注

典儀唱行初獻禮贊引引獻官詣

神位前播笏執事官以帛進于分獻官奠
訖執事官以爵進于分獻官贊引贊
獻爵出笏贊引引至酒尊南北向立
典儀唱行亞獻禮執事官以爵進于
獻官贊引贊獻爵典儀唱行終獻禮

執儀
同亞

贊引引分獻官復位徹饌執事官各
壇徹饌典儀唱送神典儀唱讀祝官
捧祝進帛官捧帛掌祭官捧饌各詣

瘞位執事官各執帛饌詣燎所

一祝文

維洪武某年歲次某甲子正月

嗣天子臣敢昭告于

昊天上帝

后土皇地祇時維孟春三陽開泰敬率臣僚
以玉帛犧齊粢盛庶品恭祀于

大祀殿備茲燎瘞

皇考仁祖淳皇帝配

神尚

享

一樂章

迎神

樂奏中
和之典

荷蒙

天地兮君主華夷欽承踊躍兮備筵而祭誠
惶無已兮寸衷微仰瞻俯兮惟願來期
想龍翔鳳舞兮慶雲飛必昭昭穆穆兮降
壇遺

奠帛

樂奏廟和之曲

天垂風露兮雨澤霑黃壤氤氲兮氣化全民
勤畎畝兮束帛鮮臣當設宴兮奉來前

進俎

樂奏廟和之曲

庖人兮列鼎肴羞兮以成方俎兮再獻願
享兮以歆

初獻

樂奏壽和之曲武功之舞

聖靈兮皇皇穆嚴兮金床臣令樂舞兮景張
酒行初獻兮捧觴

亞獻

樂奏陳和之曲文德之舞

載斟兮載將百辟陪祀兮具張感聖情兮

無已拜手稽首兮願享

終獻

樂奏陳和之曲文德之舞

三獻兮樂舞揚肴羞具納兮氣藹而芳祥

光朗朗兮上下方況日吉兮時良

徹饌

樂奏陳和之曲

粗陳菲薦兮神喜將感

聖心兮何以忘民福留兮佳氣昂臣拜手一

謝恩光

送神

樂奏安和之曲

旌幢燁燁兮雲衢長龍車鳳輦兮駕飛揚
遙瞻冉冉兮上下方必烝民兮永康

望燎

樂奏時和之曲

進羅列兮燎瘞方炬焰發兮煌煌神變化
兮束帛將感至恩兮無量

時享太廟

一齋戒

凡齋戒前一日太常寺官宿於本司
次日具本奏致齋三日常日進銅人

一省牲

牛九羊八山羊十
豕十九鹿一兔四

凡正祭前二日太常寺官奏明日與
光祿司官省牲至次日省牲畢同復

命

一正祭

皇高祖前

犢一羊一豕一登三鉶二蓬豆各二

簠簋各二帛二白色奉先制帛

皇曾祖

陳設同

皇祖

陳設同

皇考

陳設同

共設酒尊三金爵八磁爵十六篚四
于殿東設祝文案于殿西

親王配享四壇共二十位

第一壇

犢一羊一豕一登二鉶二籩豆各十

簋簋各二 帛二展親制帛 爵六

第二壇

犢一羊一豕一登六鉶六籩豆各十

簋簋各二 帛六展親制帛 爵十八

第三壇

陳設與二壇同

第四壇

犢一羊一豕一登七鉶七籩豆各十

簋簋各二 帛七 爵二十一

共設酒尊三于殿東南北向 篚四

功臣配享十壇

各壇

羊一豕一鉶一籩豆各二 帛一

制帛

簋簋各一 爵三 篚一

共設酒尊三于殿西南北向

一儀注

典儀唱樂舞生就位執事官各司其事導引官導引

皇帝至御位內贊奏就位典儀奏迎神奏

樂樂止內贊奏四拜

百官

典儀唱奠

帛行初獻禮奏樂執事官各捧帛金爵受酒獻于

神御前讀祝官取祝跪于

神御右内賛奏跪典儀唱讀祝讀祝訖進于
神御前内賛奏俯伏興平身同百官樂止典儀
唱行亞獻禮執事官各以磁爵受酒
獻于

神御前樂止典儀唱行終獻禮儀同亞獻樂止太
常司卿進立殿東西向唱賜福胙光
祿司官捧福酒胙自

神御前中門左出至

皇帝前内賛奏跪播圭光祿司官以福酒

跪進內贊奏飲福酒光祿司官以胙
跪進內贊奏受胙出主俯伏興平身
內贊奏四拜同百官典儀唱徹饌奏樂
執事官徹饌樂止太常卿詣

神御前跪奏禮畢請還宮奏樂內贊奏四拜

同百官樂止典儀唱讀祝官捧祝進帛

官捧帛各詣燎位奏樂內贊奏禮畢

一 祝文

維洪武某年某月 日

孝玄孫皇帝 敢昭告于

高曾祖考四廟太皇太后

時維孟

春秋夏

禮嚴祭祀謹以牲醴庶

品用伸追慕之情尚

享

一歲慕祝文

時當歲暮明且新正謹率群臣以牲

醴庶品恭詣

太廟用伸追慕之情尚

享

一樂章

迎神

中和曲

慶源發祥世德惟崇致我眇躬開基建功
京都之內親廟在東維我子孫永懷祖宗
氣躰則同呼吸相通來格來崇皇靈顯融

初獻

壽和之曲
武功之舞

思皇

先祖耀靈于天源衍慶流綵高逮玄玄孫受
命追遠其先明禋世崇億萬斯年 亞獻

陳和之舞對越至親儼然如生其氣昭明

感格在庭如見其形如聞其聲愛而敬之

發乎衷情 終獻熙和之曲承前人之德

化家為國母曰予小子基命成績欲報其

德昊天罔極殷勤三獻我心悅懌 徹饌

雅和樂奏儀肅神其燕嬉告成于

祖亦佑皇妣敬徹不遲以終祀禮祥光煥揚

錫以嘉祉

還宮安和

顯兮幽兮神運無迹鸞馭逍遙安其所
其靈在

天其主在室子子孫孫孝思無斁

祭社稷

春秋仲月上戊日

一齋戒

與祭大廟禮同

一告廟

祝文與大祀同

正祭前二日用祝文菓酒

奉先殿告

仁祖配

社稷

一省牲

禮與太廟同牛三羊三豕三鹿一兎二

一正祭陳設

大社

在東
北向

犢一羊一豕一豮一鉶二籩豆各二

簠簋各二

帛一

黑色禮
制帛

王用兩圭有邸

太稷

在西
北向

陳設同

仁祖配位在東向

陳設同

無玉

共設酒尊三。爵九。篚三。于壇西北向東。
祝文案一。

一儀注

典儀唱樂。舞生就位。執事官各司其事。
導引官導引。

皇帝至御位。內贊奏就位。典儀唱瘞毛血迎。
神奏樂。樂止。內贊奏四拜。百官典儀

唱奠玉帛行初獻禮奏樂執事官各捧玉帛爵獻于

神位前讀祝官取祝跪于

神位左內贊奏跪典儀唱讀祝讀訖進于

太社神位前內贊奏俯伏興平身百官樂止

典儀唱行亞獻禮奏樂執事官各捧

爵獻于

神位前樂止典儀唱行終獻禮儀同亞獻太常卿

進立于壇西東向唱賜福胙光祿司

官捧福胙自

神位前由正門左出至

皇帝前內贊奏搢圭光祿司官以福酒跪

進內贊奏飲福酒光祿司官以胙跪

進內贊奏受胙出圭俯伏興平身內

贊奏四拜

百官同

典儀唱徹饌奏樂執

事官各詣

神位前徹饌樂止典儀唱送神奏樂內贊奏

四拜

百官同

樂止典儀唱讀祝官捧祝

進帛官捧帛掌祭官捧饌各詣座位
奏樂內贊奏禮畢

一祝文

維洪武某年某月 日

皇帝 敢昭告于

太社之神

太稷之神惟

神贊輔

皇祇發生嘉穀粒我烝民萬世永賴時當仲

春禮嚴

告祀

謹以玉帛牲齋饗盛庶

品備茲瘞祭

皇考仁祖淳皇帝配

神尚

享

一樂章

迎神

予惟土穀兮造化功為民立命兮當報崇
民歌且舞兮朝雍雍備筵率職兮候迓迎

想聖來兮祥風生欽當稽首兮告拜年豐

初獻

氤氲氣合兮物遂蒙民之立命兮荷陰功
予將玉帛兮獻微衷初斟醴薦兮民福洪

亞獻

予令樂舞兮再捧觴願神昭格兮軍民康
思必穆穆兮靈洋洋感厚恩兮拜祥光

終獻

干羽飛旋兮酒三行香煙遼遼兮雲旌旗

予今稽首兮忻且惶神顏悅兮霞彩彰

敝饌

粗陳微禮兮神喜將琅然絲竹兮樂舞揚
願祥普降兮遐邇方烝民率土兮盡安康

送神

氤氲氤氲兮祥光張龍車鳳輦兮駕飛揚
遙瞻稽首兮去何方民福留兮時雨暘

望瘞

捧肴羞兮詣瘞方鳴鸞率舞兮聲鏗錯思

神納兮民福昂予今稽首兮謝恩光

祭山川

仲秋

一齋戒

凡齋戒前一日太常司官宿于本司
次日具奏本奏致齋二日次日進銅
人

凡正祭前二日太常司官同本部官
詣城隍廟發咨

一省牲

禮與太廟同牛十四羊
十三豕十四鹿一兕七

一正祭陳設

正殿七壇

太歲

犢一羊一豕一登一鉶二造豆各十

簠簋各二帛一白制酒盞三十

風雲雷雨

陳設同帛四白制

五嶽

陳設同帛五五色禮神制帛各依方位下同

五鎮

陳設同

帛五

五色禮神制帛

四海

陳設同

帛四

四色禮神制帛

四瀆

陳設同

帛四

黑色禮神制帛

鍾山

陳設同

帛一

白色禮神制帛

共設酒尊三爵七篚七于殿東南西

向設祝文案于殿外正道西

東廡叁壇

京畿山川

犢一羊一豕一登一鉶二籩豆各十

簠簋各二

帛一

白神制帛禮

酒盞三十

夏季月將

陳設同

帛三

白神制帛禮

冬季月將

陳設同

帛三

白神制帛禮

共設酒尊三爵三篚三千殿南北向
西廡三壇

春季月將

秋季月將

陳設同前

都城隍

陳設同

帛一

白色禮
神制帛

共設酒尊三千壇南北向

爵三

篚三

一儀注

典儀唱樂舞生就位執事官各司其事導引官引

皇帝至御位內贊奏就位典儀唱迎神奏樂執事官各詣

神位前斟第一層酒樂止內贊奏四拜百官

典儀唱奠帛行初獻禮奏樂執事官

各捧帛爵獻于

神位前讀祝官取祝跪于

皇帝左內贊奏跪典儀唱讀祝讀畢置于案

上內贊奏俯伏興平身

百官

樂止與

儀唱行亞獻禮奏樂執事官各詣

神位前斟第二層酒樂止典儀唱行終獻禮

執事官各詣

神位前斟第三層酒樂止太常司卿立殿東

西向唱賜福胙典儀唱飲福受胙光

祿司官捧福胙自

神位前由正門左出至

皇帝前內贊奏跪搢圭光祿司官以福酒
跪進內贊奏飲福酒光祿司官以胙
跪進內贊奏受胙出圭俯伏興平身
奏兩拜百官同典儀唱徹饌奏樂執事
官各于

神位前徹饌樂止典儀唱送神奏樂內贊奏

四拜

百官同

典儀唱讀祝官捧祝掌祭

官捧帛饌各詣燎位奏樂內贊奏禮

畢

一祝文

維洪武某年某月 日

皇帝 致祭于

太歲之神

風雲雷雨之神

嶽鎮海瀆山川月將城隍之神惟

神主司民物叅贊

天地化機發育有功歷代相承有秋報之禮
今農事告成謹以牲帛醴齊粢盛庶品用

伸報祭尚享

一樂章

迎神

吉日良辰祀典式陳京畿山川城隍之神
濯濯厥靈

昭鑒我心以候以迎來格來歆

奠帛

靈旗蒞止有赫其威一念潛通幽明弗違
有帛在筐物薄而微

神兮安留尚祈享之

初獻

神兮安留有薦必受享祀之初奠茲醴酒晨
光初昇祥徵應候何以侑觴樂陳雅奏

亞獻

我祀維何奉茲犧牲爰酌醴齊二觴再升
洋洋如在式燕以寧庶表微衷交于

神明

終獻

執事有嚴品物斯薦黍稷非馨式將其意
薦茲酒醴成我常祀

神其願歆永言樂只

徹饌

春祈秋報率為我民我民之生賴於我
神維神佑之康寧是臻祭祀云畢神其樂歆

送神

三獻禮終九成樂作神人以和既燕且樂
雲車風馭

靈光昭灼瞻望以思邈彼寥廓

望燎

俎豆既徹禮樂已終

神之云旋倏將焉從以望以燎庶幾感通時

和歲豐惟

神之功

祭歷代帝王

一齋戒

凡齋戒前一日太常司官宿于本司

次日具本奏致齋二日傳

制遣官行禮

一省牲

牛五羊五豕六鹿一兔八

凡正祭前一日獻官承

制畢詣本壇省牲

一正祭陳設

五室十六位

每室

犢一羊一豕一

粢帛具成禮容斯稱黍稷非馨惟神之聽

初獻

大哉聖王實天生德作樂以崇時祀無斁
清酏惟馨嘉牲孔碩薦羞神明庶幾昭格

亞獻終獻

百王宗師生民物軌瞻之洋洋神其寧止
酌彼金罍惟清且旨登獻于三於嘻成禮

徹饌

犧象在前豆籩在列以享以薦既芬既潔

禮成樂備人和神悅祭則受福率遵無越

送神

有嚴學宮四方來宗恪恭祀事威儀雍雍
飲享惟馨神馭還復明禋斯畢咸膺百福

祭先農

遣應天府官祭

一齋戒

二日

一省牲

牛一羊一豕一鹿一兔一

一正祭陳設

先農之神廟

漢高祖光武唐太宗皇帝神位前爵凡三詣

宋太祖元世祖皇帝神位前爵凡二儀並同前出笏

詣讀祝所跪讀祝讀祝官取祝跪于

獻官左讀畢進于

神位前贊俯伏興平身復位樂止典儀唱行

亞獻禮奏樂執事官各以爵獻于

神位前樂止典儀唱行終獻禮儀同亞獻典儀唱

飲福受胙贊詣飲福位跪播笏執事

官以爵進飲福酒執事官以胙進受

胙出笏俯伏興平身復位贊兩拜典
儀唱徹饌奏樂執事官各于

神位前徹饌樂止典儀唱送神奏樂贊四拜
平身樂止典儀唱讀祝官捧祝掌祭
官捧帛饌各詣塵位樂止贊禮畢

從祀名臣

東廡第一壇

風后 臯陶 龍 伯益 傳說 召公奭

召穆公虎 張良 曹參

羊一 豕一 鉶九 籩豆各二

簍 簍直 簍直 簍各一 黍稷 北六 帛九 禮神

制 酒盞二十七 饌盤一 筐一

第二壇

周勃 馮異 房玄齡 李靖 李晟 潘

美 岳飛 木華里 博尔忽 伯顏

羊一 豕一 鉶十 籩豆各二

簍簍各一 帛十 酒盞三十 饌

盤一 筐一

西廡第一壇

力牧 夔 伯夷 伊尹 周公旦 太公

望 方叔 蕭何 陳平

陳設與東廡第一壇同

第二壇

鄧禹 諸葛亮 杜如晦 郭子儀 曹彬

韓世忠 張浚 傅尔木 赤老溫

陳設同

一祝文

維洪武某年歲次某甲子某月 日

皇帝謹遣具官某致祭于

太昊伏羲氏

炎帝神農氏

黃帝軒轅氏

帝金天氏

帝高陽氏

帝高辛氏

帝陶唐氏

帝有虞氏

夏禹王

商湯王

周武王

漢高祖皇帝

漢光武皇帝

唐太宗皇帝

宋太祖皇帝

元世祖皇帝

曰昔者奉

天明命相繼為君代

天理物撫育黔黎彝倫攸序井井繩繩至今
承之生民多福思不忘而報特祀以春秋
惟

帝兮英靈來歆來格尚

享

一樂章

迎神

仰瞻兮

聖容想鸞輿兮景從降雲衢兮後先來俯鑒
兮微衷荷

聖臨兮蒼生有崇瞻諸帝兮是臨予頓首兮
幸蒙

真帛

秉微誠兮動

聖躬來列坐兮殿庭予今願兮效勤捧禮帛
兮列酒尊鑒予情兮欣享方旋駕兮雲程

初獻

酒行兮爵盈喜氣兮雍雍重荷蒙兮載瞻
載崇群臣忻兮躍從願觀穆穆兮

聖容

亞獻

酒斟兮禮明詣

帝熙和兮悅情百職奔走兮滿庭陳饗豆兮
數重亞獻兮願成

終獻

獻酒兮至終早整雲鸞兮將還宮予心眷
戀兮

神聖欲攀留兮無從躡雲衢兮緩行得遙瞻
兮達九重

微饌

納肴羞兮領陳烝民樂兮幸生將何以兮
崇報維歲時兮載瞻載迎

送神

旂旌繚繞兮導來蹤鸞輿冉冉兮歸天宮

五雲擁兮祥風從民歌聖佑兮樂年豐

望燎

神機不測兮造化功珎羞禮帛兮薦火中望

瘞庭兮稽首願神鑒兮寸衷

祭先師孔子

春秋仲月上下
日遣官行禮

一齋戒

一省牲

儀並同前犢十一山羊
五豕九鹿一兔五牛一

一正祭陳設

正壇

犢一羊一豕一登一籩豆各十釶二

簠簋各二帛一

白色禮神制帛

共設酒尊三爵三篚一于壇東南向

設祝文案于壇西

四配位

每位羊一豕一登一釶二籩豆各十

簠簋各一爵三帛一篚一

十哲

東五壇豕一五分帛一篚一爵三

每位劔一 籩豆各四 簠簋各一

酒盞一十

西五壇

陳設同

東廡五十三位
共十三壇

共豕一 帛一 篚一 爵三

每壇籩豆各四 簠簋各一 酒四

西廡五十二位
共十三壇

陳設並同東廡

一儀注

典儀唱樂舞生就位執事官各司其事分獻官陪祀官各就位贊引引獻官至盥洗所贊詣盥洗位搢笏出笏引至拜位贊就位典儀唱迎神奏樂樂止贊四拜陪祭官同典儀唱奠帛行初獻禮奏樂執事官捧帛爵詣

神位前贊引贊詣

大成至聖文宣王神位前搢笏執事以帛進

奠訖執事以爵進贊引贊獻爵出笏
詣讀祝位跪讀祝讀祝官取祝跪于
獻官左讀訖俯伏興平身贊詣

兖國復聖公神位前播笏獻爵出笏詣

邠國宗聖公神位前儀同詣

沂國述聖公神位前詣

鄒國亞聖公神位前儀同贊復位樂止典

儀唱行亞獻禮奏樂執事以爵獻于

神位前樂止典儀唱行終獻禮奏樂儀同樂

止典儀唱飲福受胙贊詣飲福位跪
搢笏執事以爵進贊飲福酒執事以
胙進贊受胙出笏俯伏興平身復位
贊二拜陪祭官同典儀唱徹饌奏樂執事
各詣

神位前徹饌樂止典儀唱送神奏樂贊引贊

四拜

陪祭官同

典儀唱讀祝官捧祝掌祭

官捧帛饌各詣瘞位典儀唱望瘞奏
樂贊引贊詣望瘞位樂止贊禮畢

一祝文

維洪武某年歲次某甲子 月 日

皇帝遣具官某致祭于

大成至聖文宣王惟

王德配

天地道冠古今剛述六經垂憲萬世謹以牲
帛醴齊粢盛庶品祇奉舊章式陳明薦以
充國復聖公

邨國宗聖公

沂國述聖公

鄒國亞聖公配尚 享

一樂章

迎神

執麾者唱

樂奏成和之曲

大哉

宣聖道德尊崇維持王化斯民是宗典祀有
常精純並隆神其來格於昭聖容

奠帛

執麾者唱

樂奏序和之曲

自生民來誰底其盛維王神明度越前聖

每位

登一

釂二

籩豆各十

簠簋各二

帛一

白色禮制帛

已上五室共設酒尊三爵四十八簋
五十中室東南西向設祝文案于西

一儀注

典儀唱樂舞生就位執事官各司其
事贊引引獻官至盥洗所贊搢笏出
笏引至拜位贊就位典儀唱迎神協

律郎舉麾奏樂樂止贊四拜陪祭典

儀唱奠帛行初獻禮奏樂執事官各

捧帛爵進于

神位前贊引贊詣

三皇神位前播笏執事官以帛進于獻官奠

訖執事官以爵進于獻官贊獻爵凡

三出笏詣

五帝神位前

儀同前詣

王神位前

爵凡詣

犢一羊一豕一豕一登一鉶

籩豆各十

簋簠各二

帛一

青色禮制帛

設酒尊三

爵三篚一于壇東南

向

設祝文案于壇西

一儀注

典儀唱樂舞生就位執事官各司其事贊引引獻官至盥洗所贊請盥洗所播笏出笏贊引贊引贊就位典儀唱陞毛血迎神奏樂樂止贊引贊四

拜

陪祭官同

典儀唱奠帛行初獻禮奏樂

贊引贊詣

神位前搢笏執事官以帛跪進于獻官奠訖
執事以爵跪進于獻官贊引贊引贊
獻爵出笏詣讀祝所跪讀祝讀祝官
取祝跪于獻官左讀祝畢進于

神位前贊引贊俯伏興平身復位樂止典儀
唱行亞獻禮奏樂執事以爵獻于

神位前樂止典儀唱行終獻禮

儀同亞獻

典儀唱

飲福受胙贊引贊詣飲福位執事以
爵進贊引贊飲福酒執事以胙進贊
引贊受胙出笏俯伏興平身復位贊
引贊兩拜典儀唱徹饌奏樂執事于
神位前徹饌樂止典儀唱送神奏樂贊引贊
四拜樂止典儀唱讀祝官捧祝掌祭
官捧帛饌各詣瘞位典儀唱望瘞贊
引贊詣望瘞位贊禮畢

一 祝文

維洪武某年歲次某甲子

皇帝謹遣具官某致祭于

先農之神惟

神初興農事乃種嘉穀為民立命萬世永
賴今將東作親畊籍田謹以牲醴庶品用
脩常祀尚 享

一樂章

迎神

東風起蟄地脉奮然蒼龍掛角燁燁天田

民命惟食創物有先國鍾既奏有降斯筵

奠帛

帝出乎震天發農祥神降于筵藹藹洋洋
禮神有帛其色惟蒼豈伊具物誠敬之將

初獻

九穀未分庶草牧同表為嘉種實在先農
黍稷斯豐酒醴是共獻奠之初以蘄感通

亞獻

倬彼甫田其隰其原耒耜云載駟御之間

報本思享亞獻惟虔

神其歆之自古有年

終獻

帝籍之典享祀是茲潔豐嘉粟咸仰于

時惟親耕享我農師禮成于三以訖陳詞

徹饌

於赫先農歆此潔脩于篚于爵于饌于羞

禮成告徹

神惠敢留餽及終畝豐年是求

送神

神無不在於昭于

天曰迎曰送于享之筵冠裳在列金石在懸
往無不之其佩翩翩

望燎

祝帛牲醴

先農既歆不留不褻瘞之厚深有幽其瘞有
赫其臨曰禮之常匪今斯今

祭旗燹

旗手衛
指揮祭

一齋戒

二日

一省牲

一牛一豕一羊

一正祭陳設

神七位

南向

旗頭大將

六纛大神

伍方旗神

主宰戰船正神

金鼓角鉦砲之神

弓弩飛鏑飛石之神。

陣前陣後神祇五昌等衆

犢一羊一豕一登一釧二 籩豆各十

簋簋各二 帛一黑二白五
禮神制帛

共設酒尊三爵一篚一于壇東南向西

設祝文案于壇西

一儀注

贊引引獻官至盥洗所贊詣盥洗所
贊就位迎神作樂執事官于

神位前斟酒訖。贊引贊四拜。

陪祭官同

贊奠帛。行

初獻禮。作樂。執事捧帛爵進。贊引贊詣

神位前。執事以帛進。奠訖。執事以爵進。贊獻

爵訖。贊復位。跪讀祝。讀訖。贊俯伏興

平身。樂止。贊引唱行亞獻禮。執事干

神位前。斟酒。樂止。唱行終獻禮。

儀同

唱飲福

受胙。贊詣飲福位。跪飲福酒。受胙。

儀與祭先農同

合祀神祇

一在京十一廟

北極真君

祭物
用素

道林真覺普濟禪師

祭物
用素

都城隍

祠山廣惠

五顯靈順

漢秣陵尉蔣忠烈

晉成陽卞忠貞公

宋濟陽曹武惠王

南唐劉忠肅王

元衛國忠肅王

故功臣

一各處聖帝明王忠臣烈士載在祀典
不係淫祀者其廟宇陵寢皆要備知
其處每年定奪日期或差官往祭或
令有司自祭本部悉理之

一天下府州縣合祭風雲雷雨山川社

稷城隍孔子及無祀鬼神等有司務

要每歲依期致祭

其壇畔廟宇制度牲醴祭器體式具

載洪武禮制

犧牲

一凡祭祀所用牲醴脯醢等物必須預

備看養臨期依數供辦不可有缺

曆日

一在京欽天監每歲筭曆已成則預先行移各布政司刊印九月初一日進

曆仍頒賜京官

一頒曆儀注

前期一日尚寶設

御座于奉天殿教坊司設中和樂于殿內其

日陳設如常儀儀禮司設

御曆案于殿內設曆案于丹陛中道設百官

曆案于丹陛下鼓初嚴引禮引文武

官進曆官入詣侍立位鼓三嚴執事

文武官詣

華盖殿行五拜三叩頭禮畢傳制受曆待從等官各就位

皇帝服皮弁服出樂作陛座捲簾樂止鳴鞭訖引禮引進曆官就位贊禮唱鞠躬樂作贊四拜平身樂止典儀唱進曆引禮引進曆官由東階陛詣

丹陛案前贊跪播笏取曆由殿東門靠東入至殿中內贊唱跪外贊唱衆官皆跪唱進曆監官以曆置于案內贊唱

出笏俯伏興外贊亦唱俯伏興平身
內贊唱復位引禮引進曆官由百官
門出樂作引至拜位樂止贊禮唱鞠
躬樂作四拜平身樂止進曆官退執
事舉百官曆案于丹墀中道鳴贊唱
排班班齊鞠躬樂作贊四拜平身樂
止傳制官詣

御前跪奏傳制俯伏興由殿東門靠東出至
丹陛東西向立稱有

制贊禮唱跪衆官皆跪宣

制曰欽天監進某年大統曆其賜百官頒行
天下贊禮唱俯伏興樂作贊四拜平
身唱頒曆頒曆官取曆散于百官
駕興百官以次出

藝術

一凡天文地理醫藥卜筮師巫音樂等
項藝術之人本部務要備知以憑取
一在外行術占卜之人聽於本鄉不許

越境興造妖妄等事。

僧道

一僧道度牒。欽依三年一出給。仍要各司考試能通經典者。申送到部具奏出給。

一各布政司并直隸府州縣。申呈開設僧道衙門。舉保到僧人。創付僧錄司。道士創付道錄司。考試如果中式。就申吏部施行。

祥異

一凡各處獻來祥瑞本部准其事收下如有非時災異即時奏

聞若遇日月交蝕則預先行移諸司救護

一日蝕儀注

前期結綵於禮部儀門及正堂設香案于露臺土向日設金鼓手于儀門內兩傍設樂人于露臺下設各官拜位于露臺上下俱向日立至期欽天

監官報日初食。百官具朝服。典儀唱班齊。贊禮唱鞠躬。樂作四拜。興平身。樂止。跪。執事捧鼓詣班首前。班首擊鼓三聲。衆鼓齊鳴。候欽天監官報復圓贊禮。唱鞠躬。樂作四拜。平身。樂止。禮畢。

一月食儀注同前。但百官便服於都督府救護。

喪葬

一優給則例

凡陣亡失陷傷故湮沒者。全支。邊遠守禦出征。并出海運糧病故者。減半。

品米六十石。麻布六十疋。

二品米五十石。麻布五十疋。

三品米四十石。麻布四十疋。

五品六品米三十石。麻布三十疋。

一公侯亡故

不分病故陣亡。止給麻布一百疋。本

相言畢堂
部奏輟朝三日。仍具手本行移在京衙門知會。

一將引本官家人赴

內府給與布疋

一咨工部造辦冥器棺槨及撥與人匠磚石造墳安葬。

一劄付欽天監選擇墳地。

一具手本赴光祿司備辦祭物遣官行禮。

一本部奏議封諡。

一自初喪至除服。以次遣官致祭。

聞喪 入殮 首七至終七 下葬

百日 新冬 周年 二周 除服

一都督至都指揮亡故

本部奏輟朝二日。移咨工部。造辦棺

槨等項。仍備辦祭物。自初喪至除服。

節次遣官致祭。聞喪 下葬 百

日 周年 除服

如合優給者。照前則例。并咨兵部。照例追贈。

一指揮使至指揮僉事亡故

本部移咨工部。造墳安葬。亦節次遣

官致祭。安靈。下葬。周年

除服

照例優給追贈。

一衛所鎮撫千百戶亡故

本部移咨工部。造墳安葬。止二次遣

官致祭。安靈。下葬。

照例優給追贈

公侯及在京。一品二品。父母妻喪。三品四品。父母喪。曾授封贈及致仕者。各照品級。造墳安葬。在外止祭祀。未封贈者無。

一在外都指揮使。至指揮僉事。止是本部遣人往祭。一次若回京安葬。則照例祭祀造墳。千百戶別無祭葬例。

一公侯在外病故。聞喪止輟朝一日。靈

視到京仍輟朝三日。下葬輟朝一日。

膳部

郎中員外郎主事。掌邦國牲豆酒膳。辦其品數。

膳羞

一凡遇正旦

聖節冬至。或吉慶筵宴。所用諸品。膳羞酒醴。並須調提光祿司供辦。若管待諸蕃國朝貢等使客。并四夷來降土官人。

等茶飯物料本部自行備辦其宴之日赴會同館管待令教坊司供應若奉

旨管待之人俱於本部筵宴正官主席。

一土官使客到會同館除柴米鋪陳本館應付外本部照依正從名數每五日一次支送下程。

一管待物料先期一日本部劄付膳部照依時價收買仍令物戶親齎赴部。

對物給價其合用羊隻主事聽具手
本赴光祿司關領原編羊隻字號勘
合於司牧局照號關取造辦管待畢
日仍回呈本部開具買過物件同支
過價鈔數目主事廳回呈關過羊隻
字號毛色斤重本部判送立案通類
開銷。

一管待物件則例每正一卓

菓子伍色按酒五色小割湯三

品。正飯用羊。

一支送下程。則例五日每正一名。

猪肉二斤八兩。乾魚一斤四兩。

酒一瓶。麵二斤。鹽醬各二兩。

茶油各一兩。花椒二錢五分。

燭每房五枝。已上下程若奉

旨優待。不拘此例。

一衍聖公張真人到京下程。

鷺二隻。麪一十五斤。酒四瓶。

茶醬各一斤

燭一十枝

一買辦管待物料鈔貫。若支銷盡絕。本部照例具奏。依數關領鈔錠。回部收貯在庫。聽候買辦。如支銷已盡。依期關用。

厨役

一凡選取各項厨役。或事故新僉。光祿司具呈本部。照數類行。各處選取精壯慣熟。無過犯殘疾之人。起送到部。

轉發光祿司着役若有厨役病故遺下家小呈送到部劄付應天府給引或遞送回還原籍。

俸給

一每歲會計合用俸米數目戶部定撥糧長到部送納本部劄付膳部并委官眼同依數交收在倉隨即出給倉鈔付納戶收領候齊足出給通關一様三本交付糧長收領仍將收過米

數通容戶部其所收糧米專一放支
本部并合屬衙門官吏月俸

一本部官吏該支月俸每月初本部通
類立案創付膳部及委官或儀部祠
部主客部官一員眼同放支膳部主
事廳出給印信俸帖付官吏收執赴
倉關支仍將放過某字號倉糧米數
目分割正才數目回呈本部判送膳
部立案

一帶支大常司翰林院等衙門官吏俸
給每月預先將合支數目開呈本部
立案通類劄付膳部委官照依各衙
門齎到印信俸帖赴倉依數關支畢
日依數開呈

一帶支衙門

大常司

光祿司

翰林院

春坊

儀禮司

司經局

欽天監

行人司

鑄印局

教坊司。

欽天回回監。

藏冰。

一每歲冰結之時本部堂上官預先奏聞膳部官赴內官監開取鑰匙錦衣衛差撥力士或工部差撥脚夫各備器具赴正陽門外打掃冰窖就行戶部開撥新鮮稻草并蘆蓆襯墊完備伺候冰凍揀擇潔淨去處取水節次挑赴冰窖內如法收藏封鎖將鑰匙送赴內

官仍移付祠部。照例祭祀着令軍人看守。以備應用。

內府冰窖。收藏冰雪。係內官監官自行提調。合用襯墊蘆蓆稻草。本部照例移咨戶部。依數支撥。就差人送

內府冰窖處所交收。

器皿。

一凡宴享合用一應器皿。及各項廚役懸帶雙魚銅牌。光祿司開呈本部。移

咨二部照數造完轉發光祿司收用。
一鑄完厨役雙魚銅牌本部具印信手
本開寫號數送赴

內府印綬監收掌。凡遇光祿司厨役合用銅
牌本司自具手本赴監關用。

行移。

一凡有一應行移在外事務儀部等四
部各開事件移付通具印信手本赴
禮科關填勘合照會及各布政司并

劄付直隸府州。照依坐去勘合內事。件轉行所屬。作急理辦。如有遲悞。不完。仍行催督。每於年終。各該有司。分豁已未完結事件。連原填去勘合張數。造冊。差人親齎奏繳。仍用備細開報本部。以憑查銷。

主客部。

郎中。員外郎。主事。掌諸番朝貢等事。朝貢。

一凡諸番國及四夷土官人等。或三年一朝。或每年朝貢者。所貢之物。會同館呈報到部。主客部官赴館點檢。見數遇有

表箋。移付儀部。其方物分豁進貢。

上位若干。

殿下若干。開寫奏本。發落人夫管領。先具

手本。關領

內府勘合。依數填寫。及開報門單。於次日

早

朝照進

內府或於

奉天門或

奉天殿丹陛或

華蓋殿及

文華殿前陳設本部正官奏啓

進納若遇慶賀

聖節正旦貢獻之物初到即以數目具本奏

聞物候至日通進

內府陳設交收。

一凡進馬騾到於會同館即令典牧所
差醫獸辨驗兒騾驢及毛色齒歲明
白備寫手本交收及令本館放支草
料喂養仍撥人夫管領至期進

內府行刈於丹墀東伺候

御前牽過同手本交付御馬監官收領。

一凡進象駝到於會同館令本館喂飼。

次日早進

內府

御前奏進如候

聖節正旦冬至陳設進收日遠先行奏

聞象送馴象所馳送御馬監收養至期令進

內府陳設

一凡進雲虎豹禽鳥之類到於會同館就

令宮養之人喂養具數奏

聞送所司收領至期進

內府丹墀內陳設。

一凡進金銀器皿珍寶。既正之類。須有
貢獻之人。驗視明白。具寫奏本。仍以
器具裝盛。或黃袱封裹。分撥館夫一
同貢獻之人。收管。先期一日。開填勘
合。開報門單。次日早照進。

內府於

殿前丹陛等處陳設。一一交付長隨內使
收受。

一凡進蘇木胡椒香蠟藥材等物萬數
以上者船至福建廣東等處所在布
政司隨即會同都司按察司官檢視
物貨封船完密聽候先將番使起送
赴京呈報數目除國王進貢外番使
人伴附搭買賣物貨官給價鈔收買
然後布政司仍同各衙門官將貨稱
盤見數分豁原報附餘數目差人起
解前來本部委官及行戶部都察院

委官會同差督人夫運進承運等庫
稱盤入庫本部先期開寫各庫該收
物貨手本於

午門外閤領各門勘合填寫照進并出給
單
長單令該庫批寫實收數目回部備

照。

一朝貢諸番及四夷土官去處。

番國

高麗國海

暹羅國海

琉球國海

占城國

海南

真臘國

海南

安南國

海南

日本國

海東

瓜哇國

海南

瑣里

西洋鎖里

三佛齊

淖泥國

百花國

覽邦國

彭亨國

淡巴國

須文達那國

西南夷

四川

烏蒙軍民府

烏撒軍民府

芒部軍民府

金筑安撫司

廬山長官司

募役長官司

西堡長官司

大華長官司

寧谷寨長官司

頂營長官司

十二營長官司

安順州

貴州宣慰司

平茶洞長官司

播州宣慰司

龍州

程番長官司

水寧州

鎮寧州

康佐長官司

建昌衛

建安州

禮州

栢興州

酉陽宣撫司

木瓜長官司

方番長官司

勒都簇長官司

邛部軍民府

黎州

普安軍民府

建昌府

長河西

東川軍民府

阿昔簇長官司

天全六番招討司

略匝簇長官司

占藏先結簇長官司

祁命簇長官司

北定簇長官司

阿昔洞簇長官司

班班簇長官司

者多簇長官司

麥匝簇長官司

石砦宣慰司

泥溪長官司

雪坡長官司

沐川長官司

平夷長官司

蠻夷長官司

馬湖府

岳希逢長官司

隴木頭長官司

靜州長官司

里州

建昌府

闕州

中縣

碧舍縣

會川府

武安州

永昌州

隆州

姜州

黎溪州

麻龍縣

會理州

威龍州

昌州

普濟州

廣西

龍英州

江州

龍州

思明府

陀陵縣

養利州

上下涑州

思陵州

萬承州

安平州

太平州

都結州

羅陽縣

思城州

結倫州

鎮遠州

左州

崇善縣

茗盈州

南丹州

結安州

永康縣

思同州

東蘭州

那地州

全茗州

利州

鎮安府

田州府

泗城州

奉議州

雲南

姚安軍民府

姚州

元江府

廣通縣

平緬宣慰司

車里軍民宣慰司

八百宣慰司

麗江府

景東府

楚雄府

鶴慶府

尋甸府

鄧川州

海東土官

賓居土官

小雲南土官

臨安府習義縣

大理府

湖廣

施南宣慰司

忠建安撫司

思南宣慰司

永順宣慰司

臻部六洞黃坡等處長官司

保靜宣慰司

曲靖軍民府

西域

西天泥八剌國

朶甘

沙州

烏思藏

撒立畏兀兒

撒來

撒馬兒罕

賓客

一凡四夷歸化人員及朝貢使客初至

會同館主客部官隨即到彼點視正從定其高下房舍鋪陳一切處分安妥仍加撫綏使知

朝廷恩澤

一下程分豁正從人數劄付膳部五日一次照例支送酒肉茶麵飲食之物一管待量其來人重輕合與茶飯者定擬食品卓數劄付膳部造辦主客部官一員或主席或分左右隨其高下

序坐。以禮管待。仍令教坊司供應。

給賜

一凡諸番四夷朝貢人員。及公侯官員人等。一切給賜。如往年有例者。止照其例。無例者。斟酌高下等第。題

奏定奪。然後本部官具本奏。

聞閔領給賞

一凡賞賜金銀鈔錠匹帛之類。金銀請長隨內官關領。匹帛係內承運庫收。

貯冠帶衣靴係工科工部官收掌鈔錠係戶部官收掌主客部官分投關領其物或于

奉天門或

奉天殿丹陛或

華蓋殿用卓頓放引受賜人朝北立置物所引受賜人叩頭畢以物授之如多至十人百人則先以所賜之物唱名分授各人行列叩頭畢於該科出帖

赴

午門倒換勘合照出所賜之物復令次日

謝

恩

一凡遠夷之人或有長行頭疋及諸般物貨不係貢獻之數附帶到京願納入官者照依官例具

奏關給鈔錠酬其價值。

禮部職掌卷之四終